

浦江縣志

卷四

城池

公署

學校

附 考費義產

直參

浦江縣志卷四



志建置第一

城池 公署 學校 兵防 坊表 宅墓 古蹟
周官首辨方正位體國經野規畫詳矣自封建廢爲郡縣世有變易而慎固封守之意無異則建置綦重焉由唐迄今官斯土者膺治民之職何以臨蒞何以捍衛何以立教凡諸鉅典煌煌非一邑之規制所係歟至若芳徽表著墟址猶存今備載之而訪古者亦莫不犁然矣作建置志

城池

浦江縣志

卷之四

城池

一

易曰王公設險以守其國記曰城郭溝池以爲固雖北門鎖鑰南服長城惟其人不惟其險而職固之掌重於夏官知防禦之不可弛矣縣治有東西二溪夾流襟以南江枕以少女及金阡富潤諸山並扼地形之勝而必以城池爲兢兢務衛民耳昔尹鐸爲晉陽命之惟保障圉不固而望民之安弗可得已按籍而稽累朝繕葺之政並附錄焉志城池

城周五里一百二十步內外城身計長一千九十四丈有奇塼牆一千九十四城內外各有馬路以通巡警樓九座樓畔各有階級以便登降爲門九大東門曰

迎春小東門曰擁青大南門曰文明小南門曰宜和

大西門曰咸甯小西門曰凝爽大北門曰望華舊曰仙華

門小北門曰輔辰西有水門曰祈年

舊志唐元宗天寶中置縣築土城周一里高一丈三尺厚亦如之

明武宗正德七年知縣鄒輓立城門四座曰東門曰南門曰西門曰北門

門北

世宗嘉靖二年知縣毛鳳韶設門柵共一十八座東隅

迎曦門破墪門南隅曰大南門小南門黃堂門東南

和門西隅曰大西門文昌門季家門青龍門小橋門仁

北門迎恩門北隅曰大北門清明門湖唐門三十六年知縣許河因倭夷

犯境關白撫按築石城周圍五里建正門四東曰迎

浦江縣志 卷之四 城池 二

仙華偏門五日小東門小南門小西門小北門水門

丙辰提督軍務兼巡撫都御史桐城阮公鶚移檄郡

邑有城垣未備守禦未嚴者俾以時築金華府屬邑

浦江令許宗鑑始議城制不果築去後令許河至乃

集父老詢利病具由申達自總督撫按暨守巡罔不

俞工興有日許子曰是役也凡以為民倘役之不均

吏胥得緣為奸如為民何乃躬履山川審方面察形

勢計厚薄勿高卑定議城制為若干丈有奇均派一

邑每丈配丁糧若干官給文憑對戶照支俾民各募

工堅築仍為之期未及期而傾圮者罰使更築令既

出民咸懽趨工始於丙辰十月某日越戊午某月日

告成城凡四門各冠以樓詰盜有聽巡軍有舖條列

馬路各從其方啟閉有時出入有節邑居既壯人情

大安民初稱不便者咸樂厥成思為尸祝己未春許

子上計來京乃備始末請記於余將勒諸石余曰是

役也有二難浦江治在山谷地多瘠确即常賦僅供

而驅民以與非常之役一難也軍府既開調發實繁

民未知義而重役無隣道之助無公帑之發二難也

許子倡所難以起事訖底於成民無謗言蓋有五善

焉國有大役調取於民官爲歛散多起乾沒之奸茲
獨計丈尺配以丁糧俾民自築財不官歛料不官給
一善也民自爲工易至苦窳茲遠爲之期俾各自保
任民懼後累不煩謹訶各求堅完二善也量工難易
費最鉅者官爲補助三善也豪強無倖免貧弱無偏
累四善也營之以漸無棘其欲五善也備茲五善故
城工有成官爲攸芋民有甯宇一利也民狎其野稼
穡成功常賦不虧二利也形勢完固府治益強三利
也監臨諸公覈實厥績是褒是獎宜也夫國保於德
令之役民德誠本也然設險守國王公不廢聖人之
慮憂後世寇竊之莫禁也昔莒人恃其僻陋城圯不
治卒起戎心浦江雖多巖險舊鮮寇盜然治貴有備
詎可復蹈莒轍茲督撫遠謀非安常之愚民可與並
議也許子不以專欲犯眾怒不以道謀墮碩畫功成
論定士民益孚知其悅以使民者矣城役初起下縣
會議再三誠重民力而迄用有成者上官之明非許
子之自爲力也今
皆列名不刊云

神宗萬曆三十八年推官洪日觀申議恢拓北城明年

浦江縣志

卷之四

城池

三

知縣莊起元成之

自小北門至仙華門長一百餘丈
莊侯恢拓北城記國朝規制立

法海以內悉割爲郡縣所在星列碁布戒甚維嚴而
城垣鼎峙雉堞森羅庶幾大易設險之守雅詩實墉
之修蓋其慎也浙爲天下首藩而婺城係咽喉之府
屬邑凡八浦陽居一焉地雖蕞爾然亦東方一扼塞
也舊有城繼築於嘉靖季年維時倭寇跳梁芟夷我
室廬荼毒我生靈當事者亟請於朝倉猝庀治期不
日而奏成功其於揆陽測陰絜長短一欲協星
緯家紫微黃道之祥圖經家青鳥玉尺之瑞倫概乎
其未有得也今譬之車以縣治爲輻以四隅爲輔東
西則左右翼南北則前後輪必有適均無軒輕然後
可以收任載之功而免覆壓敗績之患乃東西南三
隅廣相若而獨迫窄於北直指縣治不能以百武取
南境而平衡之倍猶未也屋巖突烟閒殃回祿介鷄
釀隙時質虞成勢極變通順流更始姬周有程邑之
築姜齊有薄姑之恢夫亦容民畜眾之宏謨而因時
使俗之長策也浦卽不與周齊同方而失今不圖長
此安窳且微第坎方之民利有此舉而通邑皇皇發
憤而爭先者俱延頸於畚鍤踴躍於雲電蓋一方之

虧全實關萬姓之命脈而占候於旺相馮實於金湯者胥賴焉非細細也歲在辛亥之夏署印司理洪浦事始經營拮据程土物畧基址計時日度工用約有定畫而苦無專督適典史茅希孟亦初官茲土旋委董治厥績具文報可於是竭厥率先晨夕不懈凡擴地若干尋費資若干緡役夫若干名鑿石若干方運土若干舉為日若干期具載別籍臚列不涓土著之眾家輸錢戶戮力驅以甚鉅之費而民若不知予以大勞之役而眾亦不怨邑有君子三陽張大參公聚國族於斯竣事之詰朝來命曰曷記諸某揣惟秦刻之眾漢勒燕然皆以矜耀一時誇示四裔浦非巖邑何以記為第作事貴慎其端成功必貽諸遠雖文辭蕪陋愧遜戛金而歲序更移難湮鑄石俾百世之下知城所由建則保障捍圍島寇不得肆馮陵之禍於前又知城所由恢則鳩聚繕完豪強不得逞僭踰之思於後或未必無小補云

懷宗崇禎十一年知縣吳應台重建城堞門樓是年秋金華山

浦江縣志

卷之四

城池

四

箐民弗靖邑城傾圯難恃吳令鳩集土庶扁鑰是謀睥睨舊三千三百堞高四尺凹半之廣亦半之守則用人多而矢石不蔽乃併二為一高七尺其廣凹之數半於此約一千二百餘堞皆連亘高厚復移造小西門以就地利兼疏導水溝以前民用小東門小南門大西門小北門水門城樓皆為之創建餘樓及內外土石之頽廢者咸葺治無遺更立窩舖凡三十有三旌旗炮械率稱是於金華諸暨富陽連界處各設石關一於義烏桐廬連界處各設望臺一至蘭谿界口尤坦豁不守更設石壘一帶令地方自相守助綢繆孔固寇相戒無犯義烏金世俊吳公增城碑記頃年以歲之不易不虞之不戒大司馬言今天下流氛未靖大江之南幸隔天塹以為可倖無事而今江楚閩廣所在見告東南南半壁甯得安枕卧宜為陰雨綢繆之計條上入事上報可而修繕城池聯絡守禦保甲寓兵郡邑奉行尤謹然而為之者政復不易蓋大役必有大費而教民或以擾民華元為植巡工而于思棄甲之謳遂口眾矣王介甫行保甲法民至截指斷腕以避丁韓魏公刺陝西義勇而眾亦囂然彼皆有不便於民者也浦自天寶間有土城久而傾圯

肅皇時以備倭易發以石久而復圯民且穴而梯之以出入與無城等耳楚湘陰吳公來令浦百度維新政成民信會鄰封有警公即取浦城而增築之不欲煩民捐俸肩其鉅舊堞高不滿二尺不足蔽肩而布堞太密登陴者肩相摩也公親自相度卑者增之密者減之按雉堞之數俾與里甲準而令民自築城有九門門設督副廉民之材者董其事樓櫓霞麗舖舍星羅屹然壯縣崇墉矣經始於七月既望告成於十月之朔何勿亟而子來如是僉曰此佚道之使與是不然夫國有大役首虞其耗公以最鉅者身肩且出納不手胥役惟無乾沒故工易又虞其梗公以戶甲配雉堞人各自為功惟其役均故工易又虞其怠且詭公日夕按堞躬閱之獎其勤而警其惰賞其堅而去其瑕惟功罪明故工易兩月而成量工命日不愆於素良有以也又以山溪橫截處隨方設隘使鄉人之雋者率子弟而訓練之急則徵調緩則歸農即古井旬遺意蓋於功令所謂修繕城池聯絡守禦保甲寓兵者一一舉行而弗苛弗擾俾浦百年享無事之福而一時不知有事之煩誰非公之成勞皆公之善因民也公溫潤如玉朗識然犀令浦則浦治攝蘭則

浦江縣志

卷之四

城池

五

蘭治即肩任鴻鉅甯有剩事乎方今潢池盜弄仰塵聖主宵旰藉令盡得如公者堅其城垣練其鄉勇務修眾庶之和使內宥不生而外禮不入豈憂寇孽哉太上因民因之時義大矣哉浦擊柝聞於烏余雖隣塵猶宇下也路碑與頌時時滿聽余姻友明經張君一雲及其昆季運副一琳岸生一允徵余言為記爰為志其梗概如此公旦夕入踐清切以襄贊治平天下雖大亦猶是則故不大函牛而小烹雞也公諱應台字伯能甲戌進士楚湘陰十二年署縣事義烏令人皆崇禎十二年仲春月

熊人霖繕修城堞

城堞十二座小西門小北門城堞各二座水門外洪瀾激湍直衝城根伐石捍砌仍買田五分通水道且


分其勢

國朝乾隆三十年十一月奉

上諭飭修天下城垣浦江奉文估修嗣准 部覆於三十

一年領司庫銀一萬一千一百一兩零知縣彭坊承辦六分署蘭谿縣知縣劉翬承辦四分於三十三年經始三十四年報竣計修外城身長二百九十五丈二尺五寸高一丈至一丈二三尺不等內城身長八百九十七丈三尺高五六七八九尺至一丈一尺不等頂寬一丈二尺底寬一丈四五尺不等共建城堞一千九十有四每堞長一丈高五尺一寸大東門大南門大西門大北門建城樓四座各三楹小東門小南門小西門小北門水門建城樓五座各一楹 水門外有溪近逼城下其水自杭口嶺各源徑入冲激

城根築砌護城石墪一道長一十一丈寬六尺高九尺折厚一尺又加砌護砌盤頭一座迎面長一丈六尺後身長三丈進深三丈均高八尺礮石砌築折厚一尺



公署

官師廨宇爲出治臨民之所崇職守肅觀聽典綦重也浦自建署以來遷移興廢不一今就現在者而綜紀之先守土之吏令及佐貳他若師儒之居儲侍之庾武職之所駐均爲公家勑置例得並書居是位者當思負荷之艱凜素絲之節而不以傳舍視之庶無

忝厥職乎志公署

薛志

縣署負仙華山署前照牆一道牆內之西爲社倉由照牆少進爲大門上有譙樓門以內左曰黃將軍祠曰東倉右曰西倉更進爲儀門其內有戒石亭自此直

浦江縣志

卷之四

公署

一

上則大堂矣堂下兩旁皆吏舍左爲庫房又左爲倉左之南爲古柏廟右爲西倉又右之南爲監獄堂以後爲川堂爲後堂又後爲三層樓爲內寢左有東園而藕花亭土地祠及庖福之所皆在焉右有西園而退思堂醉雪亭與賓僚之寓皆在焉

薛志按唐自天寶十三載置縣

邑人黃縈以其祖黃苾所遺宅基助爲縣治今之祠黃將軍者報其義也按東園及古柏廟基於嘉慶年間造爲考棚社倉東倉西倉退思堂醉雪亭皆經燹燬未復

舊志宋高宗紹興十六年知縣蔣樞新建縣治廳

薛志按自

宋紹興以前古制不可考府志咸淳元年知縣王霖龍增修縣治

度宗咸淳六年知縣王安中建公惠堂

薛志考府志清心堂在縣治內

宋時建又有清華堂今並廢

元世祖至元三十一年縣尹趙泰重建縣治廳及儀門

譙樓吏舍堂樓薛志按邑人柳貫記趙侯撤宋之舊而新之自鼓樓門廡達於廳堂悉革

其故

成宗大德九年縣尹蔣恕重葺并立戒石亭

順帝至元二年縣尹林以順重修縣治廳及譙樓繼任

楊德樸命邑人柳貫為記勒石

記云五十年間縣治聽再更造矣至元甲

午撤宋舊而新之者縣尹蓬山趙侯泰為之也重紀至元丙子撤甲午之舊而新之者縣尹莆田林侯以順為之也趙侯則自鼓樓重門廡舍達於聽堂悉革其故而林侯則惟治聽鼓樓為新作餘皆因而完飾無所更也二侯皆有實德於民隨其所值或革或因要以修吾職業而係吾民社之寄其重若此非有取

公署

浦江縣志

卷之四

二

名干譽之心焉林侯既以代去魯國楊侯德樸實來顧瞻華構推求成勩謂前人之所建立既完既美矣在我後之人灑掃而繕治之庸可以為不急而少怠之乎惟二侯之所經畫勸相而底於成者故未嘗托之金石之傳予雖不敏其可諉諸則礮石請辭將具著興作之事以昭示方來余邑人也因書其所見請之於侯而併刻之嗟乎令長臨乎民上有政有教而已一署居之整壞若非所急也而世之君子常即是以為政治得失之候觀隅知室視蔭知榮理固然矣夫有地一同有民有社而統之以縣縣有署居於以敷政施教而致之於民者也民生之慘舒關於獄市之恬擾其責固不輕矣然人以不自慎重之身而乘之以飄忽驚逝不可挽玩之歲月則夫令長之一往一來僅若過客之憇於郵傳夕方解銜而晨已秣馬竟去豈有一毫顧惜留戀之情哉惟夫有志之士以其自重吾身者而推以自重吾官一民一物不得其所皆吾責之有未盡坐堂而思一日之不可以不葺也受祿而思民之膏血不可以重復而屢竭之也則易直子諒之心油然而生中和樂職之頌何有乎今昔之間而縣為治邑民為幸民是亦今之卓魯而

已有善而莫之聞焉吾固未之信也楊侯篤厚君子所為請辭勸來之意其殆有得於此者與至正改元其歲辛巳夏四月之望日維辛卯記按前志作至正五年楊德樸重修縣治廳及譙樓今依柳記改正附錄而縣在浦陽江源之溪上故因以名焉入國朝稽合戶版宜為中縣署達魯花赤縣尹皆正七品主簿品亦從八其職固有正貳而出政令議刑法則同歸於理而已粵初定職制迨今踰六十年宦轍之有去來縣政之有廢舉其簡在人心與載之輿論者其善其否不可掩也然姑以滿三載為代而通計之亦一官閱二十人而贏其間以最即遷以故遄往又所未論予惟縣人壯而遊仕於其累任知未悉也而得諸耄老之議則為之長者若忽都魯沙公之抹荒弭盜策畧明允八兒思不花公之儒雅溫縝卓有猷為其令者若趙公泰之久於其官而民益信蔣公友直之愿恪有守終始不變雖遠或數十年近或七八年而政績章章可考不誣則夫天理之著於民心事久論定真如衡之在懸鑑之在矚尙孰得而轉移之哉他官署皆有題名而茲縣獨闕至正改元之春達魯公署

浦江縣志

卷之四

花赤波羅君自陝西行中書椽選署始來方以勤敏修舉職業為事乃命吏稽牘得前任人名氏合若干人將鑱之樂石顯示方來請予文以冠其端曰題名為繫年著代而作無褒貶也然政有廢舉行有善否由後而視尙凜然勸懲之義與史法以俱傳後之君子因其有紀而益思所以盡其職分之所當為則民之信之天實臨之為善之效庸有既乎是惟波羅君拳拳彰往勸來之意而予不腆之言亦不為徒發而已也夏四月壬午序

至正三年縣尹張悅遂重修縣治廳

明太祖洪武三年知縣張希顏重修縣治廳六年建申

明亭八年建旌善亭
申明亭在縣譙樓外之東亭三

民有過犯榜示於此俾為惡者知所戒焉旌善亭在縣譙樓外之西亭三間凡遇民間孝子順孫義夫節婦受旌表者則書於此亭所以崇獎善類而激勸民俗焉

英宗正統六年知縣丁銳重修縣治廳

憲宗成化十五年知縣秦蕃重修縣治廳

正廳三間庫房二間後堂

三間側屋四間東幕廳西架閣儀門譙樓各三間東西六房各九間土地堂一間縣丞劉敬甫相繼重修

武宗正德七年知縣鄒輓遷建治署及縣丞主簿典史

各署

知縣署在縣廳二堂之後正樓三間兩廂側樓各三間書房二間縣丞署在縣廳之東正廳三

間二堂併側屋各十間主簿署在縣丞署之前正廳

三間堂屋併側屋共九間萬曆三十八年主簿憚應

明重修典史署在主簿署之前正廳三間堂屋併側

屋共九間吏舍在縣廳之西南角正屋三間兩廂側

屋共一間教諭李維貞記正曰時極其誠正而又誠曰

十二間無有不舉之事也是何也非誠不能以感人非

時固無有以率人非其時而妄有所為則又強之而不

正不能以率人非其時而妄有所為則又強之而不

能使之從也若是而欲發一言措一行之微於日用

之閒民將駭而不信矣而况乎其大者哉浦江縣縣

浦江縣志

卷之四

公署

四

廳後有正衙所以便居止也弘治丁巳間因歲久圯

壞遂為廢事正德辛未冬毘陵鄒侯由名進士出宰

是邑下車之初以明敏疏通之才適周旋裁處之用

急當其急緩當其緩而其間幹旋經理使其利足以

掩害損足以為益不葦歲開民安物阜事各就緒然

猶以衙宇未復為念乃命義民某某董工仍其舊址

鳩工擇材建正樓若干楹而旁廂樓與夫書舍庖廩

無不周備經始於正德壬申之夏落成於是年之冬

計其功若難遡其成則易易然者侯果何修而得此

哉貞惟事之在人其成則易易然者侯果何修而得此

也侯於經營之始發號施令堅如金石感之以誠也

所以為經營者固非瑣瑣末節細務之比率之以正

也圯壞於丁巳迄今一十餘年建所當建不先不後

適其時也以是三者貫徹於其間宜乎斯民喜於從

事而成之易歟衙成矣貞忝居學諭偕同寅訓導

劉綱姚裕執酒相賀而併告之曰卑宮淺室之制震

風凌雨亦可避也出作入息非不宜也是固不容於

已而必於樓者得非以千嶂承宇為謹內防外之道

耶侯自為吏於今歲餘凡百興作立誠守正時措合

宜懇懇然一毫不苟大率類此以是知樓建而煥然

一新者非過也宜也嗚呼斯樓之新侯德之新侯德
 既新民德亦新苟繼侯為政者能鼓舞作興新民之
 德又興廢舉墜不替舊規益光前烈則樓可常新於
 無窮也是非侯之所以望於後之同志者歟侯名輓
 字敏行明邑令毛鳳韶縣令箴列星垂象郎實應
 之周官縣正則維其司百里之長古男之任承流宣
 化有社有民墨綬銅章幸制一邑生亡休戚惟其所
 繫由漢以來率重是職清望者選非人者斥時賜召
 見問民疾苦能者久任不數更易增秩賜金以彰厥
 績皇明定制科目正塗方以授之常祿之外有以養
 之統以牧伯糾以監司任以九載責以六事六事允
 修是曰稱職蠹政殃民國有常律如何勿思敗者隨
 至於是一天子艱容上司薄視官日以卑民日以非政
 日以疵治日以微一授是官交口怨惡或指為火坑
 或名曰債負嗚呼噫嘻親民之職志可必行澤可就
 施由邑登臺自昔有之令何負人而乃如是觀古
 人作令或如水之清或如衡之平或以鳴琴治或以
 絃歌聞或勸農省風或勵學宣教或築堤衛田或决
 渠灌稻或代民挽絳或更民登耗或禁人殺子或息
 訟以孝或便宜開倉或停茶閣詔於是乎百姓歌之

或號神君或稱賈父或攀車拒輪或豐碑廟祀於是
 乎幸執揚之或稱百里之才或上三異之政或薦萍
 鄉之張或舉江東之岑於是乎天子顯之或稱百城
 之表或有千石之擢或賜緋衣或封侯爵於是乎太
 史書之或傳循吏或紀良平青史流芳百世如存若
 此等事甯不思之而乃甘為俗吏之歸嗚呼噫嘻邑
 徧寰宇豈無賢智為今之吏思古之遺學校久廢思
 所興之田野不治思所闢之戶口日耗思所增之賦
 役歲殊思所均之獄訟蝟興思所簡之盜賊蜂起思
 所息之既舉六事復集眾美農桑或惰何以勸之
 塘未利何以興之孤貧無告何以恤之死亡無歸何
 以安之豐歉不常何以備之刑獄冤濫何以清之武
 備廢弛何以講之祭祀或缺何以修之其有亂倫敗
 俗在所繩之豪猾姦宄在所刑之害去於先利興於
 後政惟愷悌心惟忠厚保汝黎民時汝之休乃若不
 親民事不戢利弊不恤百姓不顧公議或巧事上官
 或繼視下民或憚強凌弱或賣富差貧或科罰取財
 或慘酷用刑如狼驅羊如虎負嵎搖我邦本時汝之
 尤一得一失善敗隨之天監不遠王法無私嗚呼噫
 嘻縣非卑微得人則崇失人則卑崇卑在人何以縣

爲箴以規之正心則是邪心則非是非在心何以箴爲雖然盤盂刻銘古人有例愧予未能持此自治

神宗萬曆十一年知縣文元發建寅賓館移土地祠四

十三年知縣黎宏道建旌善申明二亭時舊亭久圯

懷宗崇禎九年知縣吳應台因二亭久圯重建并請復

東西馬路

國朝順治四年知縣韓文明重建吏舍

時東西六房久圯鼎新新建

康熙八年知縣毛文埜重修譙樓復鑄銅鐘二十二年

知縣張時泰重修縣署三十年知縣趙懿源建三層

樓

雍正三年知縣秦文超重建縣治廳有大堂落成誌喜

浦江縣志

卷之四

公署

六

詩見公及浦署十二詠詩并序序云仙華山蜿蜒而來結爲縣治四面皆

重岡複嶺挺秀樓居其中軒豁呈露俯視一切署左

右皆有隙地西則醉雪亭青山排闥明月當窗即其

景可想見其人亭前有軒顏曰惜陰見夫綠柳青槐

濃陰冉冉可以觸目怡情軒旁有池廣半畝當新雨

初過碧流涓涓余嘗滌硯故名池上即射圃縱百餘

步衡半之公餘較射細草纖妍落花滿地此西園之

大概也東則陸舫八窗明達樹影山光直入座隅宛

似江行前即杏榭高數丈當春風爛漫如游董仙林

內下有池數畝作橋其上僅可容足故以半名之橋

西老梅古幹修枝云是宋時所植花開時香聞一署

令人有美人高士之思過橋即藕花書屋碧筒紅萼

掩映簾櫳閒夏日展卷一樂也屋後稍北數步至花

蕊泉清冽不減中冷有詩刻石上由泉歷小祠抵南

牆外古柏一樹輪囷盤固殆千有餘年真少陵所謂

柯如青銅根如石者此東園之大概也余思明末至

今未及百年而池泉亭榭或興或廢因在署中無有

紀其事者至遲令始有入景之詠題頗纖巧余乙巳

春蒞茲土公餘即加修葺有仍前者有更易者總期

勝地常新流風如在因題十二詠以貽後賢庶乎簿
書鞅掌之餘借此清幽閒曠之區洗滌塵襟則吏未
必皆仙亦可免俗云（班秀樓地挾仙華勝巍樓實
壯哉五峯如掌列一水自天來咳唾銀河落瞻依碧
漢開憑高思愈下何以慰蒿萊（醉雪亭仙吏何時
去茲亭亙古新心融千嶺雪人醉一杯春花影搖紅
玉霞光落翠茵清風時入座掃盡玉堦塵（借陰軒
莫恨流風速韶華祇自知昔賢常愛日吾道在乘時
今古花千樹乾坤酒一卮且將眼前意端坐可凝思
洗硯池半畝方塘水時聞墨瀋香願茲一片石千
古有光芒花逐輕雲落魚依密藻藏幽情殊未已應
與碧流長（射圃却幸留餘地能教心目開松雲拖
綠去柳眼送青來自昔行王道何嘗少將才政閒時
較藝豪氣不摧頽（陸舫一室生虛白如乘江上舫
葉光飛綠字草色上青袍月化三秋水松驚五夜濤
吾生隨所托不必苦形勞（香榭不必桃源去春光
更不同月明遊小鳳雨霽掛長虹人在紅雲裡花開
碧沼中誰栽池上滿吾欲問東風（半橋彩虹當檻
落樹裡一橋成月向池邊皎天從水底清花飛魚啖
影泉響鶴吞聲漫倚紅欄立林光滿目生（老梅種

浦江縣志

卷之四

公署

七

自羅浮至何年植水旁月明四壁影雲冷一池香古
意借松柏間情寄雪霜豈如何刺史官閣挹幽光
藕花書屋纖塵吹不到一水護疏籬破壁藤蘿繫危
欄竹篠持鳥聽春誦慣琴和夜吟遲寄暢還宜暑香
雲滿碧池（花蕊泉想從山下出幾歷白雲村一勺
終歸海長流自有源泛沙明見底積雨屢添痕靜聽
泉香夜無人月色昏（舌柏碧空飛遠翠獨得老松
鄰材大難爲用風高孰與親山川寒盡日雷雨劫餘
身三復杜陵詠

乾隆四十一年知縣薛鼎銘詳請借項重修并建東自

新西自新一亭

（舌歛許安治記云乾隆癸巳夏五薛

周視閭閻察利病於民所不欲者去之所願者舉之
不期年而邑事就緒百廢具興花落庭閒人各有甯
宇聽事之暇顧瞻堂皇傾圮日以不支心惕惕焉乃
謂諸吏此署不修且壞若何吏對以工煩費鉅自建
署以來或葺一室易一楹未經有創興大工者侯喟
然曰官之有署豈徒以肅觀瞻環署而居者胥於是

乎待命也明作之氣振於堂階而四境之廢墜咸賴以興舉化日東升將何以洞民隱也薰風南來將何以阜民財也百里之中凡所以庇吾民者何限甯得以費鉅而弗為耶於是毅然循例請借養廉以修葺之上臺報可遂於丙申仲春庀材鳩工門堂寮舍廡宇以及寢室庖福之屬咸煥然改觀矣糜白金凡九百有奇閱三月而工成或謂侯不謀家室而鯁鯁為傳舍計計殊左侯笑曰先民有言賢師儉不賢師業吾何有於高堂峻宇哉且天地一濶廬也又何分於在官在家哉侯之賢聲日著不佞嘗托萬間之庇故於其落成不辭弁陋而為之記至創建之緣起與其繕修具載建置中茲不備書歲舍丁酉仲春記

上諭

嗣後各省官員衙署如有實係年久坍塌必須購料修理者准借開款各按舊制酌量興修計其歲入養廉分年扣還欽遵在案縣治自建設以來歷年久遠從未請項興修內外堂宇半就傾圯因援例申詳借項修葺檄委金華縣勘估核實在司庫領工料銀八百八十六兩零於本年三月開工六月告竣自儀門二門大堂吏舍川堂客廳廳寢室以及賓寮庖福諸宇靡不煥然一新並於頭門左右創建東自新西自新二亭拘束案犯示儆

浦江縣志

卷之四

公署

八

咸豐辛酉治署盡被匪燬

同治六年知縣李居易勸捐重建

教諭山陰王詒壽記縣之有署所以出政

天王

神武帥臣鷹揚黃鉞一下妖孽電掃不二年閒東西悉平定然兵燹之後人民流離招徠撫循日不暇給未遑計官之署也同治甲子世清高公令浦江次年春始議重建資無所出則立尺籍按民田之熟者責其所出什之一遂成外庫三間夏高公遠去繼之者為權令森南黃公欲竟之而未果也丙寅秋居易李公始至公洵陽名諸生力學通經濟捻匪起練鄉兵從大軍屢斬馘奪隘積功得司訓擢縣令奉

命來

宰浦江剛毅明幹濟以公勤下車匪久百廢具舉按覽圖治思遂前績乃捐廉俸為創庀材鳩工數月而治廳成而餘屋以百計悉燬無存者於是集邑之紳議之以為責於田不若責於鄉四鄉貧富不相若則

一鄉即屬其鄉之紳而公者董之釐其都之大小量其力之所及每都分任或建一二楹或四五楹毋強勒毋侵漁如是則事易集而民不病僉曰善於是鄉之紳若民各即其所任踴躍從公乃經始於丁卯之春至冬十二月舉便坐之堂退息之宅簽之室吏之舍寮賓之館庖厨之所棲僕隸之所止及往所謂雙桂堂三層樓東園西園者罔不煥然復其故至內外垣墉及屏牆則城之紳若民分任之而總司是役之成者則邑之司馬陳宗義廣文陳書黃林宴石佑啟廩生吳鳳林上舍董聖柏也戊辰捐廉建大門庚午請款於行省建監獄而鉅工始畢乃礮石屬詒壽記之而列各鄉之所任於後同治九年冬月記按二堂三間內廨正室三間植桂堂三間署曹左首席廂屋八間署西右首席廂屋三間東鄉紳董捐建西花廳三間廳沿書室二間甬道西首簽房一間東西廊十二間署東右首席廂屋八間南鄉紳董捐建儀門三間甬道一座署東前賓館三間甬道東首簽房二間西鄉紳董捐建署東後賓館三間甬道西首門簽房二間厨房四間三層樓五間北鄉紳董捐建頭并建甬道門週圍垣牆并內庫三間在城紳董捐建

戒石坊

坊額仍書宋太宗戒石銘爾俸爾祿民膏民脂下民易虐上天難欺十六字

光緒六年知縣恩裕重建藕花祠

有記十八年頭門被

災知縣善廣重建

附金華知府鄒仁溥飭縣立大堂禁碑 爲勒石永禁事照得收受呈詞審理案件在地方官應辦之事無所謂費惟書差隨從伺候不無微勞酌給小費亦在情理之中茲本府風聞該縣收受呈詞一張需費洋銀肆元五角至二元五角不等名曰呈費每審案一起需索費洋銀十餘元至數十元不等名曰堂費此等風氣亟應禁革以郵閭閻現經本府從權酌定每呈詞一張收錢三百文每審案一起准收錢二千文原被均在內審而未結者不收應俟審結之後照數收受此外一概不准勒索分文誠恐日久弊生合行勒石示禁爲此示仰合屬軍民人等知悉爾等如涉訟到官所有呈費審費均照本府所定章程分別給發倘敢多索許即喊稟以憑提究該書差各宜自愛恪守定章

慎毋格外多取致干咎戾其各稟遵毋違特示
 為曉諭事照得州縣審理詞訟出票差傳不過使
 其奔走本府風聞各屬縣差承辦一案勒索則
 七八元多則數十元且有票內之差僅一二名而
 票外多添私差白役或五六人至十餘人數十人
 不等硬索酒飯強宰雞鴨猪羊稍不遂意即搗毀
 卓椅盤碗門壁此等惡習亟宜禁革但官欲傳人
 不能廢差而差役例銀無幾不足以養身家若由
 本官逐案指給如乘輿濟人終有不足本府現為
 酌定凡縣差承標一案准取辛工一千文此外不
 准多取一文到鄉船飯以道路遠近定錢多寡如
 離城百里內者每名給船飯錢四百文由本官確查里數填明差
 每名給船飯錢四百文由本官確查里數填明差
 票鄉民照票應付在城者僅給辛工不付飯食除
 通飭各屬遵辦外合行出示曉諭為此示仰合屬
 軍民人等知悉爾如被控奉傳只須給發原差辛
 工錢一千文其下鄉船飯錢查看差票填數給發
 毋庸另待酒飯倘敢意外勒索或票外多添私役
 即赴本縣衙門喊控設書差聯絡阻告許遵用狀
 式控府以憑飭究本府為爾民杜擾起見令出
 惟行爾等慎毋畏蕙不發有負本府一片婆心是
 為至要切切特示光緒八年月勒石大堂之右
 金華知府陳文騷禁碑為勒石永禁事照得書
 差因案需索例有明禁或因鄉愚易欺或藉口役
 食不敷恣意詐擾啊喝恐嚇以致控告書差之案
 層見迭出茲為明定章程勒石大堂凡有案件准
 照後開之數收取有額外需索者即嚴行治罪本
 府已詳大憲批有案永遠奉行毋違特示
 期呈一張准收錢四百文命盜案傳呈一張准收
 錢八百文初呈與訴呈同裏外開銷均在其內非
 有命盜不准傳呈一敬家既有責成每人准收
 洋一元飯食照客棧例收取在外自食者不付案
 結後燈油茶水隨意致謝一差役承票須標明
 幾人限幾日來回每票一人准收原告辛工錢二
 千文每名每日准被告船飯錢二百按票內硃標
 人數扣算凡戶婚田債之案少則一二名多亦不
 過四名重案不在其內私帶白役不給
 每審一案斷結後准收錢二千文勝者出給未結
 者不給一名差役四名川飯由官帶轎傘五名刑房一名
 件作一名差役四名川飯由官帶轎傘五名刑房一名

錢拾千文城內減半均由地保繳官當堂分發拾
驗者照給案例准收錢二千文書差均在其內
一勘田地屋基之案城外津貼書差辛工錢六千
文城內減半均由地保繳官當堂分發書差均在
其內光緒十三年
年勒石大堂

教諭署 在學宮大成殿之西

訓導署 在學宮明倫堂之西 二署興廢詳見學校門

典史署 在縣治譙樓門內左偏東倉之後乾隆四十

一年典史李永新詳請借項重修署典史胡承煜繼

成之 薛志先是本年三月典史李永新詳請修葺檄

委本縣勘估造冊於是年七月在司庫借領銀
貳佰兩於八月初四日開工嗣永新因事去任復經
署典史胡承煜落成於十一月告竣建造大堂三間
土地祠一間書辦房二間東首會客
廳三間其餘屋宇牆垣盡皆修整 咸豐辛酉燹燬

浦江縣志

卷之四

未建今署在大埂頭官屋

駐防署 在縣治東南舊大司基乾隆三十六年把總

王兆英新建咸豐辛酉燹燬同治初把總蔣賢選重

修光緒十五年千總應憲章重葺 頭門三間大堂三
間內廳三間廂屋

六間署北墻外隙地署東西民房租
地并西邊園地丈量尺數詳載署圖

布政分司署 在縣治南一里明武宗正統六年知縣

丁銳奉文建久圯

按察分司署 在縣治東南百步明太祖洪武三年知

縣張希顏奉文建久圯

府館 在縣南一里明世宗嘉靖四年知縣毛鳳韶奉

文建久圮

縣丞署 在縣治廳之東明穆宗隆慶元年缺裁久圮

尉司署 在縣西百步創始年月無考宋知縣李知退

縣尉題名跋云

由一命之上有尺寸之權者其惠利皆足以及物今天下之官莫如令而

尉與民尤近驅馳郊甸出入阡陌無日不與民相接疾痛呵癢靡不知之民亦習其條教服其號召而其情之達也亦易使操持一出於正職思其憂毫髮之私不行焉民其允懷而事無不立矣世變推移官不自重健者畢知以巧取弱者縱下以豪強

年庚寅主簿劉師稷於署西之室扁曰容齋

戴良容齋說云

大梁劉侯官浦江之始年嘗即其所居西偏之室治為宴息之所而名曰容齋越明年部使者武威余闕

浦江縣志

卷之四

公署

十二

公行縣於是嘉劉侯之能大其德也為特書以題之
劉侯圖修公賜亦既鏤版揭諸楣間復俾縣人戴良
為文以廣其說良曰嗚呼是向有待於余言哉侯之
自北而南亦嘗觀夫泰山之與南海乎有石稜稜或
裂或崩如鵲之飛如羊之蹲隕而若星凝而若雲變
怪奇崛不得而具論有土黑赤有木棘櫟載虺載瘻
不甦不埴梓匠之所棄捐陶冶之所屏斥又有鴟鴞
鷹隼之禽猛犸豺虎豹之獸號鳴飛走怒爭很鬪喧騰
乎左右凡是數者宜在所不容而泰山寶藏之有溝
有渠有汙有榮瓜蔓而流負羽不勝難任我舟難濯
我纓亦有蛇虺蛟鼉噴浪乘濤含沙蛙石射影衝波
駢馬電躍水兕雷咆揚鬣而掉尾閃舌而呀齒噓腥
而吐穢凡是數者宜在所不容而南海實納之故能
萃崒嶸嶸嶸嶸嶸嶸嶸嶸嶸嶸嶸嶸嶸嶸嶸嶸嶸嶸嶸嶸
風雷盪摩天下莫與爭其高汪洋洄澍渺渺沄沄其
下無底其旁無垠顛倒日月浸潤乾坤天下莫與爭
其深由是觀之泰山也南海也所以能致其高與深
者以其有容也傳曰山藪藏疾川澤納汙殆謂是歟
今夫邱陵非不穹然高也然不得與泰山並高者由
其容之者少也沼沚非不淵然深也然不得與南海

並深者由其容之者淺也故論容德之極而至於泰山之與南海止矣古之君子不褊淺以為量惟含忍以為容掩垢匿瑕以大其德故曰有容德乃大又曰我之大賢與於人何所不容是以高臨南海以求其所以深則容之為義得矣容將以大其德也德之大舍泰山與南海孰得而方之侯於此思無愧焉可也而向有待於余言哉而尙有待於余言哉侯名師稷字之佐大梁名家有文學而尤粹於行治并作正廳未成家治人一本以寬人稱爲長者云

而去十年辛卯縣尉洪在踵成之宋濂為記江尉司

在縣西一百步歲久就圯至正庚寅大梁劉師稷以主簿攝尉事始作正廳未成而劉去明年辛卯新安

洪在來為尉完之且新其門樓又明年壬辰建廳之前軒暨吏士之舍又明年癸巳建濯心亭屋以閒計

者若干役工若干糜錢若干濂懼後來者久圯不知其勞也乃文其字於石俾相繼葺之

訓導署薛志按明設訓導二員府志載訓導宅二所一在東齋之內一在教諭宅之後國朝裁去一

浦江縣志 卷之四 公署 員遂廢其一

主簿署 在縣丞署之前

國朝順治三年缺裁今圯

興賢鄉巡檢司 在縣北九十里元邑人柳貫送白彥昭序柳子謝歸浦陽

之明年邑之屬鄉興賢巡檢白君彥昭三年宦成矣將以日月代里友吳立夫為哀詩贈餞而虛其首簡

授柳子序余蓋未嘗接君而烏乎言立夫曰吾客授馬建山中邇彥昭之署居見彥昭恂恂畏謹方業於

讀書講聞理道如無所事事者及退迹其實則回溪疊嶺百餘里閒雖荒年饑歲民甚困悴一柝之驚一

尤之警寘無聞焉農疇樵隸囿君之惠者知君治任有日愕眙吁駭謀為留行計不可則相顧失色不啻

寒之襦裘濟之亡楫以彥昭之宜民如是固吾詩之不足而所為請序之意焉耳柳子曰朝廷樹官聯張

治具不愛土地之入捐而予之以養其良心善性其制織悉備矣故雖鄉亭游徼逐捕之吏未登命秩亦

使之受祿於水衡賦租於嗇夫夫其任之保民之意
既誠既切肯少卑其官哉然則有地與民而涸國易
直之風不能勝夫彼攘矯虔之習蛟鱗橫而鼯鼠擲
岡畢獲穽彌山互澤曾不足以革其怙侈滅義之心
而况挾智自多者以為是烏足騁若私而罷劣弗堪
任又不過苟贏歲月俟終更掉鞅去嗚呼職業之不
修功序之不立果誰咎哉與賢為鄉在浙水東一席
地易治耳而賊曹掾歲滿第得九品官彥昭籍世祿
之資初筮得之未足多也然余特嘉其不懈於讀書
講聞理道而能坐致宜民之效有合於夫子告康子
之言因書為序以終承立夫之請以充大彥久廢
昭之志而余也獲附於知言之義抑其幸歟

楊家埠巡檢司

在縣東四十里明太祖洪武六年建

後奉裁革

陰陽學

在三里廟後明太祖洪武十七年設後為訓

術科所居署事至世宗嘉靖四年知縣毛鳳韶復創

浦江縣志

卷之四

公署

十四

基於譙樓外之西久圯

醫學

在三皇廟側明太祖洪武十七年設後為訓術

科所居署事至世宗嘉靖四年知縣毛鳳韶復創基

於陰陽學左久圯

僧會司

在白佛寺明太祖洪武十五年設世宗嘉靖

四年知縣毛鳳韶重修

國朝咸豐辛酉寺燬僧會司亦廢

道會司

在太極宮明太祖洪武十五年設世宗嘉靖

四年知縣毛鳳韶重修

稅課局

在南門內明太祖洪武三年置久圯

學校 廟制 書籍 學政 學田 書院 鄉學

社學 義塾 試院 射圃 演武場

治化出自人才儲才本諸學校入廟而見美富不祭

畢然高望焉由是儲經籍以資誦讀設歲科以昭優

劣故書院而外又有鄉社義塾及考試之院習射之

圃演武之場所以甄陶士類造就羣材者莫不備焉

志學校

廟制

聖廟之制同而度地以爲之則規模稍異浦之學枕華

峯襟泖水固靈秀所鍾也創自兩宋以至前明遷徙

浦江縣志 卷之四 學校

不一

國家崇尚文治繕葺以時及丙子重新規模尤壯麗矣

文運關乎庠序其必有應菁莪之化而升高行遠者

哉志廟制 薛志

薛志縣儒學在縣治東南中爲大成殿南向東西翼以

兩廡東廡上爲博文齋下爲藏書室西廡上爲約禮

齋下爲祭器庫前爲戟門門左爲齋宿廳爲禮門右

爲省牲所中爲泮池跨石橋直前爲櫺星門門外列

騰蛟起鳳二坊面大方池鳴鐸樓左峙池中櫺星門

之左爲儒學門稍進爲奎映樓內爲義路通禮門再

入門爲明倫堂堂後爲尊經閣爲敬一亭堂左爲崇

聖祠右爲訓導署稍前爲教諭署又前爲鄉賢祠名

宦祠忠義孝悌祠按今鄉賢名宦忠義孝悌三祠移建於戟門。見祠廟

舊志宋仁宗皇祐元年知縣楊洙重建儒學在縣治西

南薛志按浦江析置自唐天寶文獻通考云天寶十

選舉則當時郡縣固皆有學惟經五代茂廢無復可

考耳按皇祐所建其地近西城今西溪文昌井尙

存有橋猶相傳爲文昌橋府志載宋皇祐六年知

縣楊洙作廟徽宗崇甯中卽廟作學與縣志異未知孰是

徽宗宣和七年復遷縣東南城外今基不可考

浦江縣志

卷之四

學校

二

建學校記國家稽古道命教編郡邑遠邇靡不承庠序盈門迨於荒陬矧是浦陽屬名郡爲佳邑嘗有顯者今邇輦轂海流頻水化源下漸矧伊鬻宮可廢不葺縣學凡三遷重建於皇祐間宣和七年徙今址紹興以來合蔣樞李樞張公盛葛立柔司馬儼陳伯廣趙汝越補做支傾制未經久教養道闕士氣不振俗用蕪陋主簿丹陽葛君采始至謁先聖顧瞻堂陛藜蕪頽圯惕然不甯既閱歲月勾稽職舉賑恤惠孚喟然嘆曰我祖清孝文康以儒愛國恩今四世矣小子敢忘本卽告於令黃巖鮑君祖文慨然曰學廢令負責設歲幸豐民補敗未給美哉艱乎當何爲計葛君曰祿雖微皆君賜民膏請指數月以爲倡庶身教者從事克濟鮑君曰誠如是吾亦何愛於五斗謀旣定以咨丞尉僉和不疑樂輸勉從民是用聽得緡錢數百乃以淳熙戊申季春月甲子鳩工庀徒命學職于琢佐經畫石康功司出納石知義宣光各贊以力役旣閱時太守修撰趙公以聞平之望下車修教聞而悅之吏民奮勵越仲冬晦新學成費千緡半出民助廣殿崇麗倍蓰舊規重門列戟外疏兩池疏達綠垣植柳外環邑人改觀咸知士尊旣畢工于琢以狀

事來告仲友曰吾邦有賢牧使令佐獲展其能學做以新教仆復起上化用宜歲俗將變不可無紀矧夫美成在久向者學之饑廩多充他費厥數福勉教用不給今學既成將豐厥養充厥教願聲以詩上達民情於黃堂使終惠於我士民永以為勿壞之勸不亦避與仲友拜而言曰宋德厚矣自承流至於邑寮皆知重道以積於成異時弦歌流聞愛人易使之風河潤千里居鄰邑者與受大賜豈敢辭葛君之命迺為詩曰浦山之陽維蒼蒼兮浦陽之流維洋洋兮民生其間庶且康兮士業於儒顯亦嘗兮教化之宮曷其荒兮圯極其崇守惟良兮簿矢其謀令曰臧兮甲子三周新化堂兮重門列戟水半璜兮士知自尊化爾彰兮天子之德吏奉揚兮學非美觀道欲長兮守尚終惠民不忘兮尚愛植柳如甘棠兮

甯宗嘉定三年知縣趙善杓復遷於慈相院之東即今

白佛寺址

薛志按今城隍廟本學宮舊址在白佛寺東白佛寺建自唐時舊名慈相院至今尚

存未嘗廢寺為學云即今白佛寺址恐誤

浦江縣志

卷之四

學校

三

理宗紹定三年知縣李知退以其卑隘復於文廟之西

恢拓增建

葉味道碑記紹定三年冬十月浦江縣重建學成知縣事李知退率諸生釋菜於

先師先聖既告訖事走書來誌曰縣故有學凡三徙矣塾濕傾頽不足居業今撤而新之址砌爽塏宮殿邃深齋廡門廡規模輪奐祀梅節愍呂成公於堂延師儒主教事於直舍經始於夏而成於冬為錢三千五百緡學租增至五百石諸生之食教者之俸取具焉子盍為我志之既而學之師迪功郎楊瑾邑之尉趙崇揆繼以請味道昔遊上虞館於李君外氏與君遊知莊簡公之嫡孫才與德稱學道愛人之志至切也今小試輒徵如此味道安敢默竊惟自三代論選法壞漢唐以下實意泯矣國朝滋養三百年間士風彬彬農商孫子易業帶經大郡應書率三四萬計家塾黨遂教養之意未復古昔不能升於州於京者駢隘流溢常心鮮存其資於私淑而力弗贍者父母至輟口食鬻簪珥以佐之寔甚者亦莫能也豈周士之責固爾與然則縣之學是不容畧也夫知教不知養則教無所施知養不知教則養為虛器漸之壯縣如

永嘉平陽東陽昔尹嘗俾味道暫主學事糧儲不過數十石縣官困於板帳惟丁祭告朔一再至而何以教爲有志者割俸誘助率不復久而所謂教者反失其本其地之鞠爲茂草者勢然也今君爲之宮以安其身厚之餼以充其氣立之師以責其道藝可謂知其本矣矧自中興以來朱先生倡鳴道學統續周程而尤詳著於大學論語孟子中庸之註釋呂成公實居是邦昔之麗澤天下共宗之今天子崇獎儒宗懋建皇極而茲學之興適際其會嗣是若宰若師若弟子員繩繩相瞻咸思夫三代立學教養之本旨取聖經賢傳熟誦而明辯之默體而實踐之不但爲綴緝利祿之文他日皆有堯舜其君民之事業以仰稱聖天子尊師重道之意豈小補哉抑君之爲政如捐供給百三十萬充平糶之本以趨積四百二十一萬有奇代細縣米稅之輸類當今所甚難而君優爲之則學勸而化從是又以身教者焉紹定四年三月望日記

元年知縣鄭思聰建橋於泮池之上

府志是年并作祭器薛志明武

浦江縣志

卷之四

學校

四

宗正德中改故學宮爲城隍廟至國朝乾隆三十五年池與橋尙存是年復造城隍廟而舊址始泯

淳祐十年知縣張榭建明倫堂寶祐二年知縣何宗

姚景定五年知縣王霖龍度宗咸淳七年知縣王安

中相繼修建

浦江志畧載宋景定三年王霖龍建橋星門及立教齋舊志失錄

元成宗大德九年縣尹蔣恕順帝重紀至元三年縣尹

林以順相繼更新

邑人柳貫記校庠序之教所以開人心與民其效必要於遲久而

後見故古之善爲政者每以是爲急先務焉簿書期會刑名獄訟非不可以資富禁淫然而國之大關在禮與義使其養之不預成之不夙則素絲安保其不緇莖蕙有時而併化履霜堅冰波頽風靡習俗之移人亦何所不至聖人有憂之於是聯比閭族黨之眾而納之仁鎔義冶之中仁義與生俱生非性外物也存養識察一致其力則盡己盡人莫非仁義之推雖以吾含哺鼓腹之民而躋之鵠巢麟趾之化之上亦

何所不可然則校庠序之教其作人之效固若此矣
之何徒視爲飾治之具而已也惟其戾哉蓋校庠序
通謂鄉學異名而同義若今大州小縣建學立師而
而教之雖非比閭族黨之所升然入孝出弟有作有
息固皆三代直道之民特未有以先王良法美意淑
之使善教之使成而遂謂今之學非古之學亦惑之
甚矣吾鄉邑浦江無名山大澤以濬發其奇無珍貨
絕產以阜通其利在州部申介然下邑耳宋嘗以著
令有廟有學矣自地入職方以來問歷二紀而餘不
知其更閱幾令而其宮庭堂館又幾更營繕而完葺
之往往斷削朽鏝之工未斷於手而刻傲危憊之形
已繩繩而繼見彼其視爲飾治之具者亦蔑焉若是
而已則所謂以教道結民心抑何望乎爾耶禮義之
不章風俗之日卑識者蓋深嗟而屢嘆之矣重紀至
元元年冬蒲陽林侯以材進士再轉得邑以臨於茲
而歲屬薦饑侯爲之惠鮮困窮摧軋姦枿未幾合施
政舉民咸警服乃以禮登吾黨之士申微之曰學爲
教首所爲率厲而風動之者則亦有其方矣今制官
期滿三載卽以代去教道之流行民風之變易吾未
敢爲若等望之也吾縣戶羸巨萬故家喬木蔭藉猶

浦江縣志

卷之四

學校

五

存其恐坐視吾 聖師之宮傾駭弗支而縱吾誦結
之舍胥爲茂草之區以重吾令長之隱憂乎里有耆
壽之士張一甯乃與松江府儒學教授吳貴孫合辭
以復於侯曰殿役最鉅凡飭材徵工以績於成願悉
吾力毋煩有司而若他有藉於學者亦相率勸功於
是堂庭齋館門廡庖庖皆無一之不理棟桴堯然堵
城截然觚稜竝擢塗聖相鮮像貌應圖陛戟中度東
西行者爲之動目易觀蓋侯之究心斯學也精密整
比軼於家政方牒訴叢沓符檄填委謹繩墨而嚴勾
稽且日不暇給而侯之是心經度計慮靡間益勤雖
一楹一桷一頷一臂必爲之深顧遠省擇於安固而
後已侯之知尊夫子而欲以顯報罔極之恩者豈徒
是乎宮廟室宇之微將有大於是者而職則未可以
有爲也侯之才敏用裕果足以彰科目得人而盛而
一洗世儒腐爛輒熟之羞矣越明年工旣告成教諭
四明徐瑱亦以月日將代謀於學之老張恕方禱願
乞辭琢石以永侯德謂予以諸生起家嘗進列於朝
矣風人之賦述者之辭竊有志焉泮水頌儔瘖乎無
聲微子之委而孰委哉予因有謁於侯曰人性本善
道之善則善矣道之而善非善教乎教者因其固有

順而道之非有所付畀而增益之也夫域方百里之地而謂之縣有土且有民矣制爲官師治而教之然有學必有廟又爲之簡其民之秀美使合樂習吹舞勺誦詩以歲時修禮於先聖先師然則耳之所聞目之所擊既則先王道德之容而口之所講心之所維又無非中庸性教之實是道也變而通之謂之政神而明之謂之教教在是則政亦在是願吾所以存而主之者則在乎此而不在于彼焉耳傳曰善人爲邦百年亦可以勝殘去殺矣又曰一日克己復禮天下歸仁焉而孟子則曰善政不如善教之入人深也且勝殘去殺善人之政必百年而後可克己復禮聖人之教則可以一日而歸仁夫可欲之善與大而化之之聖則有差等矣予所謂校庠序之教其效要與遲久而後見者著爲善之應而以常道望乎人則人易從何異之云乎林侯爲邑於茲且三年矣其於敬教勸學之方蓋不徒取必於卓魯之所嘗有而直欲全體夫堯舜之所不能無孝弟之端倪仁義之塗軌其兆見於今者已若此其效成於遲久者宜何如哉侯名以順字子本至治辛酉丙科進士紹興大儒艾軒先生之從曾孫也艾軒之學吾鄉先正太史呂成

浦江縣志

卷之四

學校

六

公實先得之其延昭流潤於我後之人者尙未昧也宜侯之嘉惠吾學篤不能忘邇其源委亦粵有自矣至元四年其歲戊寅冬十有一月日南至記至正十一年縣尹蕭文質復新之戴良記浦江之在婺蕞爾邑也而制宜有學治屢加繕理而僅取苟完無經久意今縣大夫始至乃喟然興嘆謂學之所急惟田廬今監縣廉侯阿年入哈既嘗歸其侵疆矣願茲屋廬之圯壓吾得辭其責哉遂與主簿劉侯師稷合謀修治而俾教諭祝君應昇宣其勞應昇既受命卽爲禮致知經之士張天錫吳實飭材徵工率先凡役而他籍於學者因皆相勵而趨爲之自殿庭門廡以逮泮池論堂齋舍墻垣廩庖庖福之屬皆易敝爲良有加於昔始事至正辛卯之秋九月及冬十一月而成於是應昇暨學之耆碩方先生樗相與屬筆於良以記其役良屢謝非其人不可獲命乃記之曰春秋之法凡一工役之興必備書以示譏蓋所以重民力也若僖公之修泮宮固亦嘗用其民力矣考之於經乃不與南門諸役者並存豈不以學校爲有國之先務而僖公修之實爲其

所當為哉為其所當為而不書雖謂見與於春秋可也嗚呼僖公不可作矣今縣大夫之能若是不亦僖公之徒歟然僖公之修泮宮也魯人嘗作泮水之詩以頌之先儒孔氏發詩人之意不特謂僖公之能修其宮又謂僖公能修其化是則所謂修者豈止乎棟宇之岿甍丹雘之華鮮而已哉亦曰有政焉耳縣大夫又當思所以圖之而無媿乎僖公可也泮水之詩其首章有曰思樂泮水薄采其芹縣大夫之嘉惠吾邑之士者至矣其二章有曰載色載笑匪怒伊教吾邑之士尚於縣大夫而重有望焉縣大夫大梁人名文質字彬祥姓蕭氏以儒林郎來為今官未幾治三皇廟葺故所有書院月泉上尋興是役以嘉來學是政者矣可謂知為

明太祖洪武三年知縣張希顏奉制新作并建鄉賢名宦二祠

太宗永樂九年知縣戴文彬重修

浦江縣志 卷之四 學校 七

武宗正德九年知縣鄒輓遷縣東南隅城隍廟址而以

學址為城隍廟又明年知縣郭楠踵成之明郡人章懋碑記

為東南文獻之邦其屬邑浦江故有先聖廟在縣治西南後徙縣南宋崇甯中始即廟建學迨今四百餘年廟學屢經遷易邑之賢合佐有事於修建重建遷建者不知若干人矣而相宅之卜猶未墨食乃正德辛未崑山李君惟貞以進士乙科來署教事顧視殿堂蔽漏懼無以庇俎豆而學舍荒僻墊濕弗堪居業且鄰於浮屠恐壞士習欲謀遷改費無從出告於縣令毘陵鄒侯輓以為役鉅費殷未宜輕舉李君乃出捐學申公用白銀四十兩以為之倡鄒侯因遂節縮公費之餘措置百物之需以備其用而邑中一二富室之好義者間亦薄有助焉乃以甲戌之冬市材購工始事興作而未得吉地詢諸父老咸謂城隍廟在縣東南一里許負仙華而面秀峯左龍沙而右西溪形勝最佳宜徙廟學於其所而以舊學為城隍廟焉人謀既定龜筮協從鄒侯周視諸室故材惟前令虞侯坤所創尊經閣規制宏偉梁棟尚新遂撤取而修

改之以為文廟若講堂若教諭官舍皆遷其舊而朽
 蠹者易之毀敗者補之無異於新作者焉未幾而鄒
 侯有召命事以中輟又明年而晉江郭侯楠以各進
 士來為是邑視學之日惟見殿堂始成餘皆未構大
 以為闕典而涖官之初未有所處亦行節縮措置漸
 次經營自戟門而兩廡兩齋以及鄉賢名宦祠與訓
 導官舍一皆徙舊益新而成之亦若鄒侯之為至於
 櫺星儒林二門諸生號舍及黝堊丹漆之華塗道垣
 墉之治泮池之鑿又皆郭侯之所增創者也夫然後
 規模軒豁氣象顯嚴耽耽翼翼巍然與然式稱其為
 泮宮矣而贊成其事者邑之丞簿董侯楠李侯昶暨
 學之諭導陳君潔李君文安也工既落成李君又與
 諸生趙某輩來告於予曰吾邑廟學之遷鄒侯肇其
 始而郭侯成其終始者固不易而終者為尤難況其
 同心合德如出一人雖興大役而上不費官下不厲
 民尤為可稱是不可以無述也幸為之記以永其勞
 且因以啟其學使有所興起焉予謝以耄荒不文不
 足辱命而李君之請益堅不獲卒辭竊聞浦陽山水
 奇勝清淑所鍾篤生英彥後先相望在前代時有以
 忠義孝友名者有以政事文學稱者而擢進士第至

學校

三十五人具於宋潛溪人物記者彬彬也下至鄉閭
 之間惇行雍睦累世同居而門以義稱山林之下崇
 尚節介不慕浮榮而甘老肥遯皆他邦所罕有其人
 才之盛風俗之美何如哉夫何近世以來士風不競
 前輩徽音莫之或嗣良可慨嘆山川如昨聲氣猶存
 而古今人之不相及乃若者是者得非政教未舉無以
 振起而作新之也耶今賢邑侯慨然以興學為務以
 昔之兆宅未吉而改卜以遷之以昔之敝陋弗稱而
 更創以新之其嘉惠於吾士者厚矣況當眾心思奮
 之時乃文運將興之兆爾邑子弟遊於是者瞻聖賢
 之儀容誦聖賢之典訓必將感發興起因廟學之新
 而思所以新其德因廟學之遷而思所以遷於善蚤
 夜孜孜進修不懈德之新也必如盤銘所言而新之
 又新使德全於己善之遷也必如益象所示而見之
 必遷使善備於身則小可以匹休於鄉之先正大可
 以尚友於古之聖賢而洪科登第乃餘事耳豈非爾
 多士之克廣德心而無負於所教者乎若然則浦陽
 廟學不為徒遷而徒新矣邑之人士勉乎哉正德戊
 寅九月九日記

世宗嘉靖三年知縣毛鳳韶作饌堂立射圃買田為泮

池毛鳳韶記正德壬申知縣鄒君輓遷廟學於隅東

邑事詣學視明倫堂之東偏有隙地焉諸生曰先大

夫欲建饌堂於是惜未遑耳予曰此予志也乃鳩工

命材建饌堂三間又視學門外不三四步即民田且

去殿門甚逼諸生日先大夫欲買是田建櫺星門於

前惜未遑耳予曰亦予志也乃買田凡五畝二分鑿

泮池前建櫺星門一座功既成諸生相率而進曰美

哉茲學歷三大夫而制始備予曰亦各以供厥事焉

耳矣雖然竊因茲堂茲門而有得於夫子之教矣諸

生其欲聞乎夫子之言曰誰能出不由戶何莫由斯

道也釋之者曰非道遠人人自遠耳又曰人莫不飲

食也鮮能知味也釋之者曰道不可離人自不察夫

子以門戶飲食語道教無不在諸生之遊是門也不

為宮牆之外望而必以升堂入室為極致率由於夫

子之道否乎食斯堂也不為口體之養而必以禮義

養其心飽飫於夫子之道否乎所謂道者不越乎人

倫日日用之常父子而親君臣而義夫婦而別長幼而

浦江縣志 卷之四 學校 九

序朋友而信而道在我矣然後無負於聖人之教有
光於茲堂茲門也與諸生日唯唯乃記其說於右若
夫與規畫而贊其成者縣丞王君庭蘭也與謀議而
喜其成者教諭王君鳴鳳訓導高君崙黎君厚也董
饌堂之役則者民樓仁望也成之日癸未之冬也董
櫺星之役者民張廷直也成之日丙戌之春也皆不
可不書嘉靖丙戌 十六年知縣龍復禮 按秩官內載
十月十二日記 十八年任

於學宮前為大方池名曰起龍作聲遠樓薛志毛侯

之泮池龍侯所廣者今之大方池又按名宦志侯以

學宮東南散漫乃捐俸買田一十六畝浚方湖於學

南名曰起龍建奎映樓於龍 十八年知縣林時衷按

首為門建聲遠樓於湖東邊 二十八年知縣林時衷按

蓮亭記辛丑邑令龍公辛丑二 重建明倫堂三十年
十年也則林令非十八年矣
知縣韓叔陽建騰蛟起鳳二坊於學宮前東西三十
四年知縣許宗鑑 按秩官內載許河相繼重新文廟
三十八年任

四十年知縣熊炯按秩官內載新鳴鐸樓即聲遠樓

徐杖記宋太史潛溪先生嘗志浦陽人物凡政事九

人文學十六人忠義孝友貞節五人余讀之未嘗不

嘆浦江之多賢而先生又以真才純學政事則兼備而

平海宇黼黻太平其貞孝忠義文學政事則兼備而

時出之遐想地靈鍾為人傑必非偶然者乃嘉靖庚

申余分憲行部至浦江則見山聳而高水旋而曲益

為煦嫗輝為翠映若怡神於武夷九曲之間者因嘆

曰有是哉山川之奇觀而昭傑人於往牒信非誣哉

及晨謁孔廟學博士率諸弟子拱進聽講經義既復

相率而請曰學舊在邑治南正德辛未鄒合易徙今

地據視形勝西上則皆重巒疊嶂若狻鸞奔翔而

來與溪水東下下無所蔽障襟抱虧疏風氣宣洩士

業不競仕籍且寥落者二十有六年至嘉靖丁酉龍

合始徇眾議建層樓於學宮之前東邊為壁府偉觀

蓋以壯地形補其闕陋也樓成適古鏞出諸溪沙中

莫辨其為何代物實會逢之奇因共神之合乃詠吉

祝史登而懸之樓以發其音洪然鏗振若醉之醒若

浦江縣志

卷之四

學校

十

晦之明若瘖之聲遂名其樓曰聲遠自是而士業仕

籍代有人焉歲久樓仆鏞墜諸弟子益懷不競寥落

之懼倘符堪輿氏之說而為之徵應則興廢之會不

能不望於公焉余嘉其請乃與之謀曰柳宗元復門

記謂賢者之興而愚者之廢廢而復之為興循而習

之為終即斷之以恆人猶且知之矧茲樓有關於人

才徵應哉墜舉莫可玩已以贖速合令承委惟謹遂

達諸文宗中方范公亦樂允之因舊為新度材鳩工

民不勞而事易集不日而樓復成今博士再率諸弟

子請榜其上余進而言曰夫物貴有具也弗樓則鏞

奚寄弗鏞則聲奚遠而學貴有其本也德性弗尊是

不有樓矣問學不道是不有鏞矣餘聲弗有矧曰遠

哉於是始易之以鳴鐸夫所謂鐸者非徒取於鐘之

類云爾也有取於封人稱夫子木鐸之意也鐸之義

大矣哉嘗聞諸天地之鐸雷霆是已東方作興氣通

山川屈者伸甲者坼瘁而黃以脫者日鮮澤而壯王

治平之鐸法合是已賞一人而千萬人勸罰一人而

千萬人懼以是發其作善之心而易其不善若易之

造化書之王皇詩之感戒春秋之謹嚴禮樂之節文

和樂則萬世道學之鐸夫子之所振以鳴正吾儒之

所有事也以守則貞以事則忠孝以鋪張則文章政事期昭美於山川之靈以無媿前修其於太史公當朝樹建與所志人物之懿行足以繩芳而踵盛不有以彰斯樓興復之光溪沙錫鏞之神哉則是樓之有關於學校奚山川風氣云哉諸弟子皆拜手曰謹聞命矣請以勒諸貞珉余諾之用為紀其經始於辛酉年二月甲午日落成於本年六月戊寅日廣凡一十四步袤一十六步為堂三楹為廡六間奕然雄觀環宮牆瞻聽者濟濟也足垂久遠矣熊令炯雅志學校可以觀政劉學博正亨等下帷率範一時士稱彬彬焉鄒令名輓龍令名復禮是嘗有功斯學者不可不書為修鳴鐸樓記

神宗萬曆十一年知縣文元發作兩廡十四年知縣張

而綱典史鄭騏重修文廟建明倫堂敬一亭尊經閣

共樓三間在明倫堂後中為敬一亭左右為尊經閣邑人蔣大祿敬一亭尊經閣賦六經垂治世之文一敬衍傳心之法道同條而共貫義相因而互發易首乾元曰乾曰惕書聲二典曰恭曰欽翼翼文王咏於

浦江縣志

卷之四

學校

十一

周雅肅肅冀缺錄於麟經禮慎威儀於經曲樂綴肅敬於聲音允矣一敬之寶訓實為六經之良箴閣以尊經昭代丕式亭勒敬一世廟攸崇同尊異位並列巖宮聖謨洋洋一德同風慨我浦之建學地屢易於西東致經閣之圯墜獨敬一為棟隆懿張君之為政類興學之文翁乃聚師徒周爰咨度易地拓基飭材鳩工闢蔬圃之穢蕪新輪奐於龐洪遂聯楹而作室爰合異以為同敬一建中象太極也經閣岐峙判兩儀也四門洞闢按四時也八牕玲瓏通入氣也太山梁木瞻聖廟而巍巍羽翼翱翔肅賢廡而靈噩南有周公儼負辰以朝宗北有仙華吐丹光而閃爍雁塔卓文筆於東山虎嶂揭黃榜於西郭月泉應朔望以虧盈白石藏蛟龍而潛躍上經天文下緯地理道冠古今制宏參廓於時仰斯亭登斯閣覽山川武芳躅必油然而動遐思曰閣曰尊經微閣是尊實尊以人曰尊經微尊以文實尊以心心曰靈臺是謂經筵曰敬曰一作聖階梯易道陰陽吾心之時心焉非敬易何以知一以尊之進退存亡知彰知微可無大過聖訓昭垂書以道政吾心之中心焉非敬書何以通一以尊之明乎王道發乎民衷施於有政化由此宏

詩道性情吾心之敬心焉非敬詩何以咏一以尊之
去惡從善習詩成性詩可以興聖訓足鏡禮主中正
樂主和樂心焉非敬禮樂瓠落一以尊之鄙詐慢易
潛消默燦禮立樂成聖訓鑿鑿春秋謹嚴吾心之權
心焉非敬孰探其元一以尊之予奪褒貶大義炳然
燭乎殘賊漢儒惓惓審若是則儲經以閣尊經以人
曰敬曰一夙夜惟寅明乎天道察乎人倫八荒我闡
萬象皆春鳳凰來巢太乙來賓夫是之謂太極之基
陰陽之宅詩書之府禮樂之場政事之堂居乎此為
廣居立乎此為正位出乎此為大道高明廣大即天
祿石渠不足以相方若彼駕言明經詖淫若狂析言
破律飾白塗黃文姦微寵假道亂常罔經世務適滋
講張則陽明子所謂亂經賊經閣雖建曾不若泥封
於孔壁書雖具曾不異火燬於嬴皇不敬不道莫大
於是又何以語畏聖言而尊皇王猗歟六經之道炳
若日星晉宋齊梁蝕而常明漢得其粗宋得其精程
朱胡蔡主持經盟居敬窮理適駿有聲傳之疏之洞
徹性靈校讐同異集為大成此中原之文獻於我藝
而敬承惟浦紹之一傳於柳道傳氏涵肆宏演惟經
是程充棟汗牛得一以貞又傳於吳立夫氏貫串百

浦江縣志

卷之四

學校

三

家益窮諸經深造詣極流別涓涇三傳於宋景濂氏
主六經而奴百氏贊皇猷以開太平論六經為心學
以佑啟我後生嗚呼哲人雖萎尙有典刑揮毫作賦
戶牖箴銘出入顧諟師保丁甯執經如執玉尊德性
以尊經則斯文在茲庶
幾有光於斯閣斯亭 及大成殿東西廡博文齋約

禮齋門廊房屋祭品庫齋宿廳 戟門 宰牲所 戟門 廚

房書房啟聖祠 文廟 名宦祠 啟聖祠 鄉賢祠 啟聖祠 東

今異 內門外門奎映樓騰蛟起鳳坊泮池 圍三十丈

方湖 圍四百步 教諭署一所 文廟 訓導署二所 一在

堂左一在明倫堂右考府志一在東齋之內一在教
諭宅之後按今制明倫堂左建崇聖祠其基址為舊

訓導廢署今所存 三十年知縣須之彥重修鳴鐸樓
署在明倫堂右

及騰蛟起鳳坊教諭徐慎思重濬大方池建瑞蓮亭

於池中須侯自爲記後廢四十年知縣莊起元申議

大修學校移奎映樓於內爲儒學門莊起元記學校之設何爲也哉

彰志貞教敦倫厚俗於是乎在世之下也器凌詬諱

之習成而謙和退讓之風邈澆薄競爭之私熾而雍

容親遜之意乘此非民之不可與教化而實上之不

先端磬則也古聖王之爲天下欲羣天下之父兄子

弟盡納之於慈愛孝敬之中而又不得家至而戶喻

之於是爲之法制設辟雍之宮選舉髦之士肄習以

周旋軌折之度和導以金石絲竹之音使之肅然範

於禮而不敢軼越油然化於樂而不忍亢戾當時庭

幃多豫順之休而郊圻成遜讓之美不虛耳浙東婺

州屬邑凡入浦陽其一也余庚戌成進士越辛亥季

夏來令是邑初謁文廟見其頽圯特甚即欲撤而新

之而檢點百務更有急於此者田土花詭中家累賠

庫藏侵盜猾胥飽腹狂狴疏脫重囚希越訟獄煩嘖

刁頑思逞保甲廢弛盜賊多有土地荒蕪農桑未勤

市肆狡詐貿易不平事事經紀心心軫念洎壬子之

冬畧有成勞纂修入觀當事者廉實治狀俾仍復職

浦江縣志

卷之四

學校

三

而浦不必有所事事矣乃與學博朱君等謀哀集士
夫之有德望者若而人耆老之有行義者若而人齊
詣學所經始營之期成不日法大易鼎革之象遵詩
雅翬矢之章聖廟賢廊師齋士舍靡不易舊更新增
無復有春秋祠嘗之典不缺於陳朔望講習之規不
愆於素自茲以往父以訓子兄以勉弟塗巷弦歌郊
鄙羔酒三五雍熙之盛可幾而晚近暴侈之非可絕
未必非修葺學校之功爲之根柢也余於癸丑孟冬
調繁蘭臯倡其緒未卒其業而嗣令黎公實董成焉
公積學多文有四書奧義行於世文章吏治卓爾不
羣而加意泮宮此其識不小余所望下風也若四十
夫土木之功歲月之次載在學籍則有司存焉

周

石砌薛志考莊記侯陞任未卒其業黎侯實董成焉

熹宗天啟六年知縣蘇國翰重修 聖廟甃磚墀教諭

朱家楫重修教諭廳并內齋房二所

懷宗崇禎三年訓導孫煌移祀啟聖公祠於明倫堂右

故齋 八年知縣吳應台重修尊經閣吳應台記王充論衡曰孔子周

世多力之人也作春秋刪五經秘書微文無所不定

山大者多雲太山崇朝雨天下所以孔壁出而儒佛

分日月定然天梵寺非千則百儒淡泊類水一宮而

已無紺宇瓊池之飾亦無金簡玉泥之藏自王畿州

邑標倫為堂植敬一為亭尊經為閣而已閣多崇萃

使望眾山俯剡介也窗多八面類開心胸表洞達也

經力萬紀閣力僅可數紀今茲之荆蘇在望也則浦

前令張公而綱為之可五十載矣楹桷無存甚矣聖

人之宏也若使精進瞿曇者捨身斷臂為之矣予下

車嘆息其捐俸葺新兩閱月而告成也為經也非為

閣也醮諸士曰爾浦陽學脈宋文憲開之也宋淑于

柳王復禱于宋王曰小浦江不以餘姚著也宋曰小

金華不以浦江著也而先此何王金許四先生踵麗

澤後者亦曰小鄒魯併不以金華著學重其身身重

其地地重其人甚矣聖人之難也功令尊經黜子喬

宇必搜而海內理學諸宗聚沙噴雨致浦舊志則不

浦江縣志

卷之四

學校

古

另設一科前輩視志如史或者豫知今日有履霜堅
冰之懼而詳文憲人物文學諸款一篇之中三致意
焉經理也尊之學也秦世吏人能誦爰歷滂喜漢世
童子亦通急就凡將邑忠孝節義之士肩背相望而
科目漸稀科目者所以繪經之貌也忠孝節義者所
以植經之骨也夫榮其骨則貌自澤諸士挾磁諸之
功採隱括之力兼以飛仁揚義之德在身雕雲屑雨
之才在袖傑閣凌霄余與諸士日橫經其下知際運
之戛然鳴者眾矣文翁興
學為經也亦非為學也 教諭吳興選修奎映樓名

宦鄉賢祠濬泮池九年知縣吳應台修闕宮牆十一

年教諭王德溥重修 文廟啟聖祠明倫堂學署祭

器重濬泮池

王德溥重修學舍畧語云余葺廳署將完客有過余者曰廣文傳舍頽敗者大都十居其九後之人續而主之不朽木為薪撤瓦石而市焉亦已韻矣冷齋饗殮不給白鏹何所自來乃作如此料理余笑應之曰客言誠然然傳舍之說客知之而客未廣所見也夫精血榮衛膠附而成肢骸

以爲不壞之軀也而水泡石星忽有不可知之人道
簪纓鞶紱幻集而獲牽絲以爲不易得之榮膺也而
朝宁山林忽有不可知之朝夕連棟高榭豐哇廣園
如蝟而如鱗以爲不朽之生業也而鳳城之園太原
之第忽有不可知之遷徙是數者游移變換較傳舍
之不可久據也爲孰甚而或爲石鼠或爲窟兔或爲
飢渴而蒙終身之害乃自號於世以爲明哲夫明哲
之所爲誠然乎否若浦學之署向也披雲穿日而居
今且飾之戶牖向也沐雨櫛風而處今且蔽之椽瓦
其地最僻距郡治稍遠諸弟子初到迄今自知己而
外不過一謁而已旣鮮晉接之儀仍寡應對之節余
得假一日之暇休息其間恍惚有太古小年之想不
猶愈於自號明哲者之沈溺不返乎客無以語而退
余更慮續而主之者或偶涉於不韻而卒爲客所嘲
誚也聊以所葺者分識之於石以冀高明之能留意
焉時崇禎己卯歲仲秋日記儒學歷任題名記國家
文學之設雖邑之不及終十者亦置正佐兩人緣名
考義統一邑之士北面而提命之其秩雖卑其於命
師之意良不菲薄也醕風旣渺庠塾之義蕩然在我
旣不諳鼓篋之條在人亦總迷操縵之序唐去古稍

浦江縣志

卷之四

學校

五

遠昌黎爲一代傑人創起以師自命天下遂目之以
爲狂炊不暇熟挈之東走無怪乎盈庭之大笑不以
非曳笏卻立之京兆而以非孫子也蒼黃奔噬累日
不休斯言正未可大謬耳然余聞之絳帳雖虛黃茅
固在芹水之旁孰禁我優游而樂飢哉宛邱傳舍其
小如舟乃吹葦注瓦而不顧有朗吟先生在焉東漢
鄴侯杖策從光武再闢區宇勒勳鼎鐘至其自許者
則曰臣少嘗學問可爲郡文學文學之設豈遂足湮
沒夫閱歷者之名稱乎我守我璞不以周人之所懷
混投之鄭賈名是而實未必非也勝國以前不可具
載斷自洪武迄今崇禎之戊寅歲教諭凡幾人訓
導凡幾人通識之左方崇禎十一年仲夏月記

二年知縣吳應台重建鐘樓署縣事義烏令熊人霖

闢學門撤屏

薛志浦學自宋皇祐以前建置修繕無

滲漏者參訂而詳志之有
過於繁瑣者概節不錄

國朝順治四年知縣韓文明重建

聖廟及修理齋廡八

年處州同知周日燦攝浦江縣事重建名宦鄉賢兩

祠

康熙十八年教諭顧爾敏訓導金漸離重修 聖廟府志

按邑人傳旭元記櫺星門始末康熙十九年庚申六月十有二日丑時風雨狂作櫺星門三座盡倒東座橫石上刻宏治元年戊申正月吉日教諭趙欽訓二導鄒瑾何宜縣丞陳紀主簿何霽典史章智同立

十九年知縣趙懿源教諭唐嘉政訓導章在茲典史

傅鍾相重建櫺星門三十三年甯波通判黃華灼攝

浦江縣事重修名宦鄉賢兩祠四十四年邑人施光

默施惠愛重建鳴鐸樓薛志自崇禎十二年重建以來歲久樓圯光默惠愛遵父

大樞命捐資重建知縣楊汝穀嘉獎之

浦江縣志

卷之四

學校

六

雍正五年知縣秦文超奉文建忠義孝悌祠

乾隆十九年知縣王果詳修 文廟經始於乾隆二十

年四月於二十二年報竣拆建大成殿五楹殿外周

圍增建游廊階沿滴水殿基較舊址培高增璧兩廡

舊制東西各六間今各增建三間中五間供先賢先

儒神位東上為博文齋下為藏書室西上為約禮齋

下為祭器庫以復舊制建戟門五楹門左右東建齋

宿廳三間西建省牲所三間改開泮池較舊址後數丈深一丈四

尺形規半壁週以石甃跨以圓橋移建櫺星門一座

較舊址移前建騰蛟起鳳二坊又移建奎映樓三楹十丈有餘

并建碑廳三間教諭署一所其餘明倫堂尊經閣崇聖祠訓導署俱各修整如新四圍牆垣增新補舊共

一百七十餘丈計銀四千六百兩有奇

督學雷鉉記
浦江縣學自

明萬曆十四年重修迄今一百七十餘年矣

聖廟

殿廡以及明倫之堂尊經之閣一切亭樓齋署棟折

榱崩邑令王君果始受事惄然傷之請於上官與邑

紳士圖興是役經始於乾隆二十年孟夏閱一年將

告成來請記余曰天下事豈不在乎人哉以久就傾

頽之學宮一旦有倡斯和煥然鼎新經生常業豈忍

聽其不殖而落哉浦江人物數百年間磊落相望如

梅節愍之偉節王忠惠之譽謔方容州之孤忠寄韻

吳深衷之學足通方柳待制之文以載道嗚呼盛矣

義門鄭氏自宋元而明孝友之風累葉不替今猶有

仿而行之者乎宋文憲公以朱子之學贊有明一代

之治運今其書具在學者有探討而服習之者乎山

川風氣曷分厚薄在乎人而已昔何以盛今何以衰

則學與不學之故也學者每苦載籍極博耳目罕周

浦江縣志

卷之四

學校

七

然其要旨不在泛鶩就今

朝廷取士之科由小學四書性理漸次以通經史而務

力行斯古人不難至矣有志之士望前修以奮興庶

不負良有司拳拳之意使者更樂觀厥成焉至於經

費之出入綜理之勤勞具載碑陰是為記郡守楊志

道碑記學以誠實為貴聰明才辨不尚也然一任乎

喬野樸愿之偏而不澤以詩書文以禮樂雖忠信如

聖人不免為鄉人以沒世耳故人才無盛衰而學術

有得失豈必古今人之不相及邪金華文獻之邦名

賢輩出余忝守茲土為緬麗澤儒宗四賢道脈每思

得同志者相與鼓舞而作新焉戊寅春奉公會計錢

穀遺發屬邑浦江遂釋菜於其學知自萬曆以來歲

久不治蟻蠹雀穿邑令王君果首倡斯役得學博紳

士之力共勦厥成大成殿東西廡一切亭閣堂齋等

處盡負土贊石庀材鳩工革故而鼎新矣更於隙地

瀦水為池形規半壁其中芹藻馥郁宮牆前後有池

環廣十餘畝其旁列植陰森紛披掩映登閣憑臨有

春風槐市之思有雲川飛派之致有祁祁濟濟圍橋

觀聽之象仙華寶掌靈秀所鍾其在是與今王君因

以記請余固不能無一言以為士民勸尚得以不文

謝哉夫學者之為學猶作室之肯堂構也規模不大則志氣不堅貴以切實心地刻苦工夫赴之浦邑雖介僻壤然義門孝友月泉吟社風流餘韻猶有存者故其人土尚知以通經學古為宗文教蒸蒸日以興起無子衿佻達之習有矯矯自好之概莫不樂事勸工即此踴躍捐輸其明驗矣誠相懋以實學廣耳目而治身心以為通經適用之士追道傳景濂諸儒而上之不難一變至道也如或囿於風氣狃於小成蔑古荒經將高者課虛寂而入冥悟卑者勦章句而守俗學拘謹之習適成疏庸其不免勤垣墉而不塗墍茨勤樸斲而不塗丹雘乎漢制興廉舉孝造士育才二千石之職也余因郡城麗正書院方月給膏火以助寒槩而王君是役其先得我心者與爾多士各勉旃務爭自濯磨俾人才與古比盛則刺是邦者亦與有榮矣謹書以為記天台齊召南記

浦江縣志

卷之四

學校

文

聖朝治教隆盛超邁前古率海內外道一同風雖山陬僻壤人莫不知慕學乾隆丙子中秋浦江學宮新成孝廉張邦彥暨書院肄業貢生張邦簡請文刻石示來者余於是益嘆學校足以復人性而成人材上為國家職官任使之用下為鄉黨閭里風俗之型惟在正人心鼓勵其志志果向學則道近在人倫日用教近在五經四書由教入道近在學問思辨以求明善篤行以求誠身循序不懈由士希賢希聖如掘井必至得泉為山罔虧一簣有志者事竟成豈果難知難行哉即此營造鉅工合志經理不辭艱瘁而功成不日其明鑑也古今治教法制異同先儒論說備矣浦學在宋三徙至元復修記之者前有唐葉後有柳戴其遷今地在縣治東南始於明正德間記之者有章楓山舊志具載自萬曆十四年重葺以後積久未修地卑濕多白蟻漫漶穿穴

聖廟

前後棟宇木質全空春秋釋奠有司行禮惴惴乎惟覆壓顛越是懼師儒亦僦屋別居諸生無絃誦講習所蓋百有餘歲矣王侯始至慨然曰嘻屋如是既無可修盍改作乎眾以費不資對侯不聽與師儒洪君瑀毛君文昂集邑紳士勸捐為倡朱興燕張守家張德燦趙必崑張啓瀟周能玠戴王茂宋庠張乘趙必進繆漢臣張守正等聞言踴躍樂輸庀材鳩工共相董率晨夕展力以乙亥秋建大成殿侯曰斷蟻當清基本因前址增壁五尺增高築厚厥土燥剛南移戟門三丈許繚以迴廊上屬左右兩廡庭墀廣平勢

始延做櫺星柱多傾折新石易之殿後曰崇聖祠明倫堂敬一亭尊經閣旁曰名宦鄉賢兩祠教諭訓導兩署以次修舉又考圖經有齋曰博文曰約禮所曰宰牲庫曰祭器士肄業曰書房俱當重建侯志興學校其勇如此噫士爲學當先立志詎有異與俗學之陋也高者流入異端卑者汨沒功利粗解訓詁卽務勦龔浮辭倖希科名仕進日對聖賢書究不知所學何事問有將大學條目自格致誠正至齊治均平實體之於身而默驗於心者乎所性原與聖賢不殊而始拘於質中囿於習終安於暴棄自畫望聖道高如登天畏其難如挾山超海實理不明實行不修總由志不先立也浦雖小邑山有仙華寶掌青蘿東明之高且秀水有深裏浦源匯諸溪爲越三江之一自昔鍾毓名賢如宋文憲人物志所列政事文學忠義孝友炳炳烺烺皆足以垂不朽最易見者鄭王義門柳宋儒術卽登孔門亦當與諸賢相伯仲今論者動謂人文未振地運使然亦思天不變道亦不變浦江山川猶是地果有變歟否歟但觀鄉賢卽曉然於立志者學必有得又觀學宮之建昔何以頽今何以奮財不賦而羨匠不徵而多事不勞而集然則學以致道

浦江縣志

卷之四

學校

充

至聖

朝

反求諸身勇於復性以成其才志之所至氣亦至焉體立用行功崇業廣自旋至而立效未見有力不足者是役也名曰重修實係創始浦陽人文其復振矣乎王侯名果字毅臣直隸玉田人以孝廉任浦江多善政邑紳士好義者例書於後余病不文惟卽古人勸學之意爲多士勸云邑令王果記浦江在婺爲蕞爾小邑舊有文廟其形地之遷移建置之規模以及設教勉學反覆諄切之至意志乘已詳言之卽今日重造學宮告成雷學使齊少宗伯兩記敘其始末致其鼓勵余何敢多贅因紳士屢請不已乃不揣固陋敬爲數言以次其後恭維先師爲萬世綱常之主我猶是也都人士仰止於是乎在讀書人種子於是乎存倘其基弗崇則無以彰氣象之巍峩而耳而目之者或未嘆夫觀止矣其體弗備則無以見步趨之嚴肅而循而習之者或難跂夫後塵矣蓋夫民雖有四而學則惟在敦倫未有外彝倫而可爲人者亦未有外聖教而可望其敦倫者也聖廟之所在卽聖道之所在亦卽聖教之所在舊基卑而今起之基起而廟

起而人文得不與之俱起乎舊制缺而今全之制全而體全而積學得不與之俱至乎人情遇崇隆之觀則奮然興思美備之境則欣然赴際此廟貌重新園橋門而觀聽睹禮器而低徊其希聖軼賢之念亦若是焉已矣浦陽自宋元迄明名儒蔚起未必不由尊師教而致之尊師之道卽一牆屋一薪木可概見也余一行作吏不徒以簿書錢穀從事竊願以學道之訓自勉勉人勤政之餘卽與學博暨紳士共興是役踴躍捐輸者如踵相接鳩工庀材越歲而卽賦落成之什將見向往彌殷真才輩出尊師之忱不讓鄉之名儒闡道之功亦不讓鄉之名儒矣甯第撥科目之盛通仕籍之榮也哉是爲記薛志按學宮自順治四年重修以來歲久不治殿廡門牆寢以剝落王侯捐俸倡議閩邑紳士踴躍以成之名爲重修實皆新建自前明萬曆十四年張公而綱以二十八年知縣何後未嘗有此大功役也故詳記之

子祥重修鳴鐸樓廣大方池何侯記云浦學宮東南地勢頗低陷前人建塔

於嶺以補巽隅其年代不可考大方池之上復爲東樓則明嘉靖中龍君復禮所創時適古鐘出沙灘卽

浦江縣志 卷之四 學校 三

以懸其上而額以聲遠繼則熊君炯重新之更名鳴鐸樓須君之彥吳君應台又再修之然樓半依堤岸半在田樵夫牧豎上下躑躅或從樓外擲石以擊鐘其流配之民則又據爲宅舍臆懦瓦甍侵毀殆盡書院旣成有餘資因亟修之余又以泮池盡處正當書院臺門如對鏡僅得半面令人悒悒不如引池波環鐘樓而遠之眾咸謂然於是移舊堤拓而大之長若干丈濶若干步池旣成則樓如凌波之仙亭亭迴立可遠望不可近褻而嶺上之塔亦復倒影水中與樓陰相掩映樓之外佈板橋以達於岸不用則撤之樓有棂隱以粉壁若素屏風下設木榻可以焚香可以冥坐緣梯而上鍾斯在焉鐘所垂處空其中繞以小紅欄外護以檻憑檻而眺則蘭建諸峯若從空外與浦之諸峯爭巧競秀深衷江源挾眾小澗匯於南溪以注於江亦若緣斯樓徘徊宛委而不忍遽去其勝概有如此者若夫造物不盡之藏四時環生之景烟嵐之濃澹魚鳥之翔泳登斯樓者如憑虛而行控納萬象耳目爲之益曠神趣爲之益暢由是以觀天下真境自有真面目機緣未湊粵若有待及時而發豁然露爽若別有天地卽以起當年建造者而問之亦

必若出意外若契意中矣乃爲記其本末以告來者
薛志鐘樓向在岸上何侯此舉邑人樓昌泐捐田二
畝樓啟武捐田一分七厘又價受民田一分七
厘並鑿以爲池而池益大樓乃宛在水中矣

道光六年知縣方功鉞重修尊經閣方侯記云三極彞
訓其書曰經經也

者萬世之常道不刊之鴻教也是以

國家造士首在尊經凡屬學宮皆奉

欽頒經籍建高閣以度之所以尊經即所以造士典至隆

也浦邑儒學尊經閣建自前明萬曆十一年其前爲
明倫堂其左爲敬一亭其外爲奎映樓刻桷丹楹後
先相望士生其間莫不高瞻遠矚爭自濯磨所以忠
孝如陳鄭梅王宏博有柳吳戴宋名臣循吏代不乏
人夙稱浦邑文風甲於金郡自崇禎八年及康熙八
年邑宰吳公暨邑人陳公捐修以後迄今越二百餘
載未經修葺棟宇椳題傾圮剝落余自蒞任茲土早
擬捐廉修治而簿書鞅掌年復一年竟無成局丁亥
夏偶與紳士商及即承諸君慨解青囊絕無吝色遂
爾鳩工庀材逐漸修整并將明倫堂敬一亭奎映樓
一體興修不數月而巍然煥然俱臻壯麗計自道光

浦江縣志 卷之四 學校 三

六年中秋興工至明年三月歲事業經先後詳明各
憲請分別獎勵在案從此經學昌明士風醞茂不特
科第翩翩聯宦途顯峻行見忠孝各盡其能宏博各擅
其才上軼乎陳鄭梅王柳吳戴宋豈惟是高其閭閻
厚其牆垣壯一時之觀瞻云爾乎是役也捐修者拔
貢樓君中元副舉張君廣貢生陳君肯堂項君國清
職員張君壽昌陳君光勳生員張君可迎樓君元暢
國學朱君能傑陳君宗悅樓君如見而董其事者則
縣學教諭瀟安吳君應拔訓
導永嘉高君溥也是爲記

道光二十四年重修鳴鐸樓教諭趙玉鏘有記

咸豐元年太學生陳宗義獨修學宮吏部奏議重修學
宮知照議得吏科

抄出前任浙江巡撫黃

題稱據布政使韓椿詳稱浦江縣監生陳宗義仰承父

志獨力捐修

大成殿宇等工現由該署金華府知府和齡委驗明確實
用工料銀九千一十二兩零工堅料實並無草率浮
冒董事舉人樓庭學廩生張文梓生員陳穎陳書等

督辦出力均屬急公例請應得議叙該工係咸豐元年三月完竣扣至現在止雖已正限二年限滿惟捐辦賑務等項此時逾限

題獎者既得仰邀準叙其捐修

文廟等事同一捐輸且事在近年獨力捐修並非零星捐項尤與別項尋常捐輸不同現當勸捐軍餉地方有要務之時應請援照議獎據金華府飭取印結詳請到司相應詳候察核具

題獎叙並飭縣載入志書以備稽考以昭激勸至此案

該府縣先就董事開報用數轉請並不核實刪減以致輾轉飭查有逾定限並非無故稽延應請咨部免議等情前來臣覆核無異除冊給送部外理合具

題伏乞

勅部議覆施行等因於咸豐四年十一月十四日奉

旨該部議奏欽此欽遵抄出到部應將冊開捐銀九千兩以上之監生陳宗義給予鹽提舉職銜未經捐銀係董事出力舉人樓庭學給予紀錄二次廩生張文梓生員陳穎陳書各給予九品頂戴再本年十二月奏定到部逾限之案章程應按正展二年分別核辦已逾一年正限即將州縣議處如該管官及督撫具

浦江縣志

卷之四

學校

三

題已踰一年即將該管官及督撫議處查此案到部踰

限係在奏定分別核議章程以先應仍俟

題覆後行文該撫即將辦理遷延之地方官職名咨送

到日臣等另行辦理等因具

旨依議欽此

前督學吳式芬甬上童槐知縣屈永清皆有記吳記云孔子之道與天地四時運行不息而萬民百物咸被其化至於辟雍講學之地春秋祀事之典則自京師以至一州一邑莫不巍乎煥乎仰止宮牆俎豆莘莘樂石交暢雖至愚極陋日用由之而不知其所以然然當夫矜式在前則肅然者動於貌油然而生於心所謂凡有血氣莫不尊親又况冠帶之倫秀髦之彥名教束身其又焉能自外金華府浦江縣學宮自乾隆中修治後迄今百有餘年上兩旁風殿屋壞漏日就傾圮於是邑之紳耆學徒周諮羣議力謀所以新之爰有登仕佐郎陳光勳之子國子生宗義毅然自任曰此吾考所孜孜有志而未敢以能事先人者也余小子敢不敬成之遂公商於在籍侍御朱能作等請詳各大憲籤派舉人樓庭學廩生張文梓生員

此頁板內有陳某董修學宮之事樓某嫌其月
功因搶此板而及其餘故脩空白以待論定

大成殿

至聖先師孔子正位南向

考漢平帝元始元年諡褒成宣尼公明帝永平二年祀稱先師晉宋梁陳隋稱先聖北齊稱宣父唐高祖武德二年配享周公稱先師太宗貞觀二年停祭周公仍稱先聖元宗開元二十七年諡文宣王宋真宗咸平元年加號元聖大中祥符五年避諱改至聖元成宗大德十一年加號大成明世宗嘉靖九年定木主制題至聖先師去王號及大成文宣之稱國朝順治二年定諡為大成至聖文宣先師孔子十四年改諡為至聖先師孔子

文廟中勒

聖像碑碑額篆魯司寇像四字其中為

聖像旁題云

浦江縣志

卷之四

學校

三

先聖遺像惟傳自孔林者為得其真厥後轉相摹勒元文

宗至順三年監邑八兒思不花得墨本於蘭江出以

示教諭商天錫因俾董其事勒石置之會文堂邑士

方樗題篆金華方顯之摹勒行書又云此像舊在明倫

堂之後順帝至正十二年監縣廉侯阿年八哈命教

諭祝應升移置祀殿之東隸書

國朝康熙二十三年頒

御書萬世師表額

康熙二十八年頒

御製至聖先師孔子贊并序

蓋自三才建而天地不居其功一中傳而聖人代宣其蘊
有行道之聖得位以綏猷有明道之聖立言以垂憲此正
學所以常明人心所以不泯也粵稽往緒仰溯前徽堯舜
禹湯文武達而在上兼君師之寄行道之聖人也孔子不
得位窮而在下秉刪述之權明道之聖人也行道者勳業
炳於一朝明道者教思周於百世堯舜禹湯文武之後不
有孔子則學術紛淆仁義湮塞斯道之失傳也久矣後之
人而欲探二帝三王之心法以爲治國平天下之準其奚
所取衷焉然則孔子之爲萬古一人也審矣朕巡省東國
謁祀闕里景企滋深敬摘筆而爲之贊曰

浦江縣志

卷之四

學校

五

清濁有氣剛柔有質聖人參之人極以立行著習察舍道
莫由惟皇建極惟后綏猷作君作師垂統萬古曰惟堯舜
禹湯文武五百餘歲至聖挺生聲金振玉集厥大成序書
刪詩定禮正樂旣窮象繫亦嚴筆削上紹往緒下示來型
道不終晦秩然大經百家紛紜殊途異趣日月無踰羹牆
可晤孔子之道惟中與庸此心此理千聖所同孔子之德
仁義中正秉彝之好根本天性庶幾夙夜勗哉令圖溯源
洙泗景躅唐虞載歷庭除式觀禮器摘毫仰贊心焉遐企
百世而上以聖爲歸百世而下以聖爲師非師夫子惟師
於道統天御世惟道爲寶泰山巖巖東海泱泱牆高萬仞

夫子之堂孰窺其藩孰窺其徑道不遠人克念作聖

康熙二十八年頒

御製四配贊

顏子贊

聖道早聞天資獨粹約禮博文不遷不貳一善服膺萬德
來萃能化而齊其樂一致禮樂四代治法兼備用行舍藏
王佐之器

曾子贊

洙泗之傳魯以得之一貫曰唯聖學在茲明德新民至善
爲期格致誠正均平以推至德要道百行所基纂成統緒

浦江縣志

卷之四

學校

三

修明訓辭

子思子贊

於穆天命道之大原靜養動察庸德庸言以育萬物以贊
乾坤九經三重大法是存篤恭慎獨成德之門卷之藏密
擴之無垠

孟子贊

哲人旣萎楊墨昌熾子輿闢之曰仁曰義性善獨闡知言
養氣道稱堯舜學屏功利煌煌七篇並垂六藝孔學攸傳
禹功作配

雍正三年頒

御書生民未有額

詔郡縣二祭增用太牢 四年

上諭避孔子聖諱

乾隆二年頒

御書與天地參額

嘉慶五年頒

御書聖集大成額

道光二年頒

御書聖協時中額

咸豐元年頒

浦江縣志

卷之四

學校

三十七

御書德齊履幬額

同治元年頒

御書聖神天縱額

光緒七年頒

御書斯文在茲額

東配

復聖顏子

述聖子思子

西配

宗聖曾子

亞聖孟子

按顏子魏正始配享唐開元八年稱曰亞聖二十七年贈兗國公元至順時改贈復聖公會子雖於唐總章時議配而開元時定太學廟制但坐曾子於十哲之次繼贈顏子公爵閔子以下九人侯爵而曾子僅贈伯爵蓋仍未與顏子並配也宋咸淳三年始進贈邲國公升配元至順改宗聖公子思子至宋大觀二年始得從祀咸淳三年封沂國公配享元至順改述聖公孟子於元豐六年封鄒國公八年配享元改亞聖公明嘉靖九年概去公號為木主制

東哲先賢

閔子

冉子

端木子

浦江縣志

卷之四

學校

二十六

仲子

上俱唐開元八年從祀

卜子

唐貞觀二十一年以經師從祀開元八年以十哲從祀

有子

唐開元八年從祀國朝乾隆三年升列哲位

西哲先賢

冉子

宰子

冉子

言子

上俱唐開元八年從祀

顓孫子

唐開元八年從祀宋咸淳三年升列哲位

朱子

宋建炎四年生慶元六年卒年七十一淳祐元年從祀國朝康熙五十一年升列哲位

以上哲位宋以前皆稱封爵明嘉靖九年改稱先賢某子

國朝因之有子朱子升列哲位從一例

東 先賢 同治二年奉文更定

公孫僑 左傳魯襄公八年始見昭公二十年卒國朝咸豐七年從祀原西廡擬移東廡

林放 唐開元二十七年從祀明嘉靖九年改祀於國朝雍正二年復祀原西廡擬移東廡

原憲

南宮适

商瞿

漆雕開

浦江縣志

卷之四

學校

三

司馬耕

梁鱸

冉孺

伯虔

冉季

漆雕徒父

漆雕哆

公西赤

任不齊

公良孺

公肩定

鄒單

罕父黑

榮旂

左人郢

鄭國

原亢

廉潔

叔仲會

公西與如

浦江縣志

卷之四

學校

三

邾巽

陳亢

琴張

步叔乘

秦非

顏噲

以上俱唐開元二十七年從祀

顏何

唐開元二十七年從祀明嘉靖九年罷國朝雍正二年復祀

縣亶

國朝雍正二年從祀

牧皮

國朝雍正二年從祀原西廡擬移東廡

樂正克

國朝雍正二年從祀

萬章 國朝雍正二年從祀

周敦頤 宋天禧元年生熙甯六年卒

程顥 宋明道元年生元豐八年卒

邵雍 宋大中祥符四年生熙甯十年卒

西廡先賢

蘧瑗 左傳魯襄公十四年始見卒年無考史記定公十四年孔子猶主蘧伯玉家其卒後於公孫僑蓋三十餘年唐開元二十七年從祀明嘉靖九年改祀於鄉 國朝雍正三年復祀原東廡擬移西廡

澹臺滅明

宓不齊

浦江縣志

卷之四

學校

三

公冶長

公皙哀

高柴

樊須

商澤

巫馬施

顏辛

曹卹

公孫龍

秦商

顏高

壤駟赤

石作蜀

公夏首

后處

奚容蒧

顏祖

句井疆

秦祖

縣成

浦江縣志

卷之四

三

公祖句茲

燕伋

樂欬

狄黑

孔忠

公西蒧

顏之僕

施之常

申棖

以上俱唐開元二十七年從祀

左邱明

唐貞觀二十一年以經師從祀

秦冉 唐開元二十七年從祀明嘉靖九年罷國朝雍正二年復祀

公明儀 國朝咸豐三年從祀原東廡擬移西廡

公都子 國朝雍正二年從祀

公孫丑 國朝雍正二年從祀

張載 宋天禧四年生熙甯十年卒年五十八淳祐元年從祀

程頤 宋明道二年生大觀元年卒年七十五淳祐元年從祀

以上先賢位宋以前從祀者皆稱封爵明嘉靖九年改稱先賢某子周張程邵五子嘉靖時稱先儒

崇禎十五年改稱先賢位在七十子之下漢唐諸

儒之上

浦江縣志

卷之四

學校

三

國朝俱稱先賢不稱子

東廡先儒

公羊高 子夏弟子唐貞觀二十一年從祀

伏勝 秦博士唐貞觀二十一年從祀

毛亨 年無考受詩於荀卿以授毛萇按史記楚考烈王二十五年荀卿廢居蘭陵距漢興三十二年

太平御覽引毛詩正義云荀卿授漢人魯國毛亨則是秦漢間人國朝同治二年從祀

孔安國 漢武帝時為博士侍中唐貞觀二十一年從祀原西廡擬移東廡

后蒼 漢宣帝時為博士明嘉靖九年從祀

許慎 國朝光緒元年從祀

鄭康成 漢永建二年生建安五年卒年七十四唐貞觀二十一年從祀明嘉靖二年改祀於鄉

國朝雍正二年復祀
原西廡擬移東廡

范甯

晉咸康五年生隆安五年卒年六十三唐貞觀二十一年從祀明嘉靖九年改祀於鄉國朝

雍正二年復祀原西廡擬移東廡

陸贄

唐天寶十三年生永貞元年卒年五十二國朝道光六年從祀

范仲淹

宋端拱二年生皇祐四年卒年六十四國朝康熙五十四年從祀

歐陽修

宋景德四年生熙甯五年卒年六十六明嘉靖九年從祀

司馬光

宋天禧三年生元祐元年卒年六十八咸淳三年從祀原西廡擬移東廡

謝良佐

宋元豐八年進士生卒年無考與楊時同稱程門四先生國朝道光二十九年從祀

羅從彥

宋熙甯五年生紹興五年卒年六十四明萬曆四十二年從祀

李綱

宋元豐六年生紹興十年卒年五十八國朝咸豐元年從祀原西廡擬移東廡

浦江縣志

卷之四

三

張栻

宋紹興三年生淳熙七年卒年四十八景定二年從祀原西廡擬移東廡

陸九淵

宋紹興九年生紹熙三年卒年五十四明嘉靖九年從祀原西廡擬移東廡

陳淳

宋紹興二十三年生嘉定十年卒年六十五國朝雍正二年從祀

真德秀

宋淳熙五年生端平二年卒年五十八明正統二年從祀原西廡擬移東廡

何基

宋淳熙十五年生咸淳四年卒年八十一國朝雍正三年從祀原西廡擬移東廡

文天祥

宋端平三年五月二日生元至元十九年卒年四十七國朝道光二十三年從祀原西廡擬移東廡

東廡

趙復

生卒年無考以宋端平二年至北庭嘗列元儒之首國朝雍正二年從祀

金履祥

宋紹定五年生元大德七年卒年七十二國朝雍正二年從祀原西廡擬移東廡

陳澥

宋景定二年生元至正元年卒年八十一國朝雍正二年從祀原西廡擬移東廡

方孝孺 元至正十七年生 明建文四年卒 年四十六 國朝同治二年從祀

薛瑄 明洪武二十二年生 天順八年卒 年七十六 隆慶五年從祀 原西廡 擬移東廡

胡居仁 明宣德九年生 成化二十年卒 年五十一 萬曆十二年從祀

羅欽順 明成化元年生 嘉靖二十六年卒 年八十三 國朝雍正二年從祀

呂柟 明成化十五年生 嘉靖二十一年卒 年六十四 國朝同治二年從祀 原西廡 擬移東廡

劉宗周 明萬曆六年生 國朝順治二年卒 年六十八 道光二年從祀 原西廡 擬移東廡

孫奇逢 明萬曆十二年生 國朝康熙十四年卒 年九十二 道光八年從祀 原西廡 擬移東廡

張履祥 國朝同治十一年從祀

陸隴其 明崇禎三年生 國朝康熙三十一年卒 年六十三 雍正二年從祀 原西廡 擬移東廡

張伯行 國朝光緒四年從祀

浦江縣志

卷之四

學校

西廡先儒

穀梁赤 子夏弟子 唐貞觀二十一年從祀

高堂生 秦末漢初人 唐貞觀二十一年從祀

董仲舒 漢武帝初年對策 爲江都相 元至順元年從祀 原東廡 擬移西廡

劉德 漢河間獻王博士 武帝時三年從祀

毛萇 漢河間獻王博士 武帝時唐貞觀二十一年從祀

杜子春 漢永平初年 年九十 唐貞觀二十一年從祀 原東廡 擬移西廡

諸葛亮 漢光緒四年生 建興十二年卒 年五十四 國朝雍正二年從祀 原東廡 擬移西廡

王通 陳至德二年生 隋義甯二年卒 年三十五 一作開王二年生 年三十七 明嘉靖九年從祀 原東廡 擬移西廡

韓愈 唐大曆三年生長慶三年卒

胡瑗 宋淳化四年生嘉祐四年卒

韓琦 宋大中祥符元年生熙寧八年卒年六十八

楊時 宋皇祐五年生紹興五年卒年八十

游酢 國朝光緒十八年從祀

尹焞 宋熙寧四年生紹興十二年卒年七十二 國朝雍正二年從祀

胡安國 宋熙寧七年生紹興八年卒年六十五 明正統二年從祀

李侗 宋元祐八年生隆興元年卒年七十一 明萬曆四十二年從祀原東廡擬移西廡

呂祖謙 宋紹興七年生淳熙八年卒年四十五 景定二年從祀原東廡擬移西廡

袁燮 國朝同治七年從祀

浦江縣志

卷之四

學校

三

黃榦 宋紹興二十二年生嘉定十四年卒年七十 國朝雍正二年從祀

輔廣 國朝光緒五年從祀

蔡沈 宋隆道三年生紹定三年卒年六十四 明正統二年從祀原東廡擬移西廡

魏了翁 宋淳熙五年生嘉熙元年卒年六十四 國朝雍正二年從祀原東廡擬移西廡

王柏 宋慶元三年生咸淳十年卒年七十八 國朝雍正二年從祀原東廡擬移西廡

陸秀夫 宋端平三年十月八日生祥興二年即元至元十六年卒年四十四 國朝咸豐九年從祀

許衡 宋嘉定二年生元至元十八年卒年七十三 皇慶二年從祀

吳澄 宋淳祐九年生元元統元年卒年八十五 明正統八年從祀嘉靖九年罷 國朝乾隆二年復祀

許謙 國朝雍正二年從祀原東廡擬移西廡

曹端 明洪武九年生宣德九年卒年五十九國朝咸豐十年從祀原東廡擬移西廡

陳獻章 明宣德三年生宏治十三年卒年七十三萬曆十二年從祀

蔡清 明景泰四年生正德三年卒年五十六國朝雍正二年從祀

王守仁 明成化八年生嘉靖七年卒年五十七萬曆十二年從祀原東廡擬移西廡

呂坤 明嘉靖十五年生萬曆四十六年卒年八十三國朝道光六年從祀

黃道周 明萬曆十三年生國朝順治三年卒年六十二道光五年從祀原東廡擬移西廡

陸世儀 國朝同治十三年從祀

湯斌 明天啟七年生國朝康熙二十六年卒年六十一道光三年從祀原東廡擬移西廡

以上先儒位明嘉靖以前從祀者皆稱封爵嘉靖

浦江縣志

卷之四

學校

三

九年改稱先儒某子

國朝稱先儒不稱子

崇聖祠正位

肇聖王木金父

裕聖王祁父

詒聖王防叔

昌聖王伯夏

啟聖王叔梁

以上正位明嘉靖九年於

大成殿後立啟聖祠祀叔梁公

國朝雍正元年

詔封孔子先世王爵合祀五代更名啟聖祠為

崇聖祠

東配先賢

孔氏

名孟皮 國朝咸豐七年配饗

顏氏

名無繇 唐開元二十七年從祀明嘉靖九年配饗

孔氏

名鯉 宋咸淳三年從祀明嘉靖九年配饗

西配先賢

曾氏

名點 唐開元二十七年從祀明嘉靖九年配饗

孟孫氏

名激 明嘉靖九年配饗

浦江縣志

卷之四

學校

三六

東廡先儒

周氏

名輔 成明萬曆二十三年從祀

程氏

名珦 宋景德三年生元祐五年卒年八十五 明嘉靖九年從祀

蔡氏

名元定 宋紹興五年生慶元四年卒年六十四 明嘉靖九年從祀

西廡先儒

張氏

名迪 國朝雍正二年從祀

朱氏

名松 宋紹聖四年生紹興十三年卒年四十七 明嘉靖九年從祀

以上先賢先儒位明嘉靖時稱先賢某氏先儒某

氏

書籍

西山之秘非列肆可求鄴架之藏詎一緘可借徒挾
兔園冊子委巷披吟東觀秘書無由窺見欲求學廣
而聞多難矣

聖朝文治光昭典章隆備

睿藻所煥協乎苞符

特命儒臣纂輯經史注疏折衷至當煌煌盛典頒發內外
學宮俾學者得殫見洽聞免於固陋嘉惠士子者至
矣以視石渠虎觀之爭論豈可同年而語也志書籍

薛志按前明所留書籍
殘缺散逸概不登載

浦江縣志

卷之四

碑文書籍

一

碑文

康熙四十三年頒

御製平定朔漠碑文一道

雍正七年頒

御製平定清海碑文一道

乾隆二十四年頒

御製平定準噶爾碑文一道

乾隆三十年頒

御製平定回部碑文一道

部頒書籍

聖諭廣訓一部

訓士典謨帖

御纂周易折中

書經傳說

詩經傳說

春秋傳說

性理精義

朱子全書

以上各二部

大清會典一部

學政全書一部

學宮儀物撮要一部

禮樂祭器圖一部

雍正十三年頒

上諭二部

乾隆六年頒

上諭一部

御製盛京賦一部

浦江縣志

卷之四

碑文書籍

二

欽定四書文一部

欽定明史一部

御纂通鑑綱目二部

續增學政全書二部

易經

尚書

毛詩

春秋左傳

穀梁傳

公羊傳

儀禮

周禮

禮記各一部

史記

前漢書

後漢書

三國志

晉書

宋書

南齊書

梁書

陳書

魏書

北齊書

周書

隋書

南史

北史

唐書

五代史

宋史宏簡錄

元史宏簡錄

各一部

乾隆十七年頒

上諭一部

乾隆十八年頒

御批資治通鑑綱目前編一部

御批資治通鑑綱目續編一部

乾隆二十四年頒

欽定義禮禮記周官義疏各一部

乾隆二十六年頒

御製樂善堂全集一部

乾隆二十九年頒

浦江縣志

卷之四

碑文書籍

三

御纂周易述義一部

御纂詩經折中一部

御纂春秋直解一部

乾隆三十二年頒

御製詩初集一部

御製詩二集一部

御製文初集一部

以上書籍咸豐辛酉經燹無存

學政 學田附

周禮大司徒以鄉三物賓興賢能其不率者糾以入刑所以勸懲之者嚴甚良以士而無教同於無士教而坊之不嚴同於無教子衿佻達詩人所為興刺也課士之制督以提學董以師儒歲科有試月季有程甄別優劣以為勸懲造士者今猶古也董率者不忽為具文而實心以行之士風自蒸蒸然日上矣志學政

國朝

世祖章皇帝御製卧碑文

順治九年督學臣張安茂奉部頒勒學宮

浦江縣志

卷之四

一

朝廷建立學校選取生員免其丁糧厚以廩膳設學院學道學官以教之各衙門官以禮相待全要養成賢才以供

朝廷之用諸生皆當上報

國恩下立人品所有教條

開列於後

一生員之家父母賢智者子當受教父母愚魯或有非為者子既讀書明理當再三懇告使父母不陷於危亡

一生員立志當學為忠臣清官書史所載忠清事蹟務須互相講究凡利國愛民之事更宜留心

一生員居心忠厚正直讀書方有實用出仕必作良吏
若心術邪刻讀書必無成就爲官必取禍患行害人
之事者往往自殺其身常宜思省

一生員不可干求官長交結勢要希圖進身若果心善
德全上天知之必加以福

一生員當愛身忍性凡有司衙門不可輕入卽有切己
之事止許家人代告不許干與他人詞訟他人亦不
許牽連生員作證

一爲學當尊敬先生若講說皆須誠心聽受如有未明
從容再問毋妄行辨難爲師者亦當盡心教訓勿致

浦江縣志

卷之四

學政

二

怠惰

一軍民一切利病不許生員上書陳言如有一言建白
以違制論黜革治罪

一生員不許糾黨多人立盟結社把持官府武斷鄉曲
所作文字不許妄行刊刻違者聽提調官問罪

康熙三十九年頒

上諭十六條每月朔望地方官宜講說化導百姓令弟子亦
應訓飭恭請

御製教條發直省學宮每月朔望令儒學教官傳集該學生
員宣讀訓飭務令遵守如有不遵者責令教官并地方

官詳革從重治罪

- 一敦孝弟以重人倫
- 一篤宗族以昭和睦
- 一和鄉黨以息爭訟
- 一重農桑以足衣食
- 一尙節儉以惜財用
- 一隆學校以端士習
- 一黜異端以崇正學
- 一講法律以儆愚頑
- 一明禮讓以厚風俗
- 一務本業以定民志
- 一訓子弟以禁非爲
- 一息誣告以全良善
- 一誠置逃以免株連
- 一完錢糧以省催科
- 一聯保甲以弭盜賊
- 一解讐忿以重身命

康熙四十一年正月

浦江縣志

卷之四

學政

三

聖祖仁皇帝御製訓飭士子文頒行學宮

國家建立學校原以興行教化作育人才典至渥也朕臨馭以來隆重師儒加意庠序復慎簡學使釐剔弊端務期風教修明賢才蔚起庶幾棧樸作人之意乃比來士習未端儒效罕著雖因內外臣工奉行未能盡善亦由爾諸生積錮已久猝難改易之故也茲特親製訓言再加警飭爾諸生其敬聽之

從來學者先立品行次及文學學術事功原委有序爾諸生幼聞庭訓長列宮牆朝夕誦讀甯無究心必也躬行實踐砥礪廉隅敦孝順以事親秉忠貞以立志窮經考

義勿雜荒誕之談取友親師悉化僞盈之習文章歸於
醇雅毋事浮華軌度式於規繩最防蕩軼子衿佻達自
昔所譏苟行止有虧雖讀書何益若乃宅心弗淑行己
多愆或蜚語流言脅制官長或隱糧包訟出入公門或
唆撥姦猾欺孤凌弱或招呼朋類結社要盟乃如之人
名教不容鄉黨弗齒縱幸逃褫扑濫竊章縫返之於衷
能無愧乎鄉會科名乃掄才大典關係尤鉅士子果有
真才實學何患困不逢年顧乃標榜虛名暗通聲氣夤
緣詭遇罔顧身家又或改竄鄉貫希圖進取囂凌騰沸
網利營私種種弊情深可痛恨且夫士子出身之始尤

貴以正若茲厥初拜獻便已作奸犯科則異時敗檢踰
閑何所不至又安望其秉公持正爲國家宣猷樹績膺
先後疏附之選哉朕用嘉惠爾等故不禁反覆惓惓茲
訓言頒到爾等務共體朕心恪遵明訓一切痛加改省
爭自濯磨積行勤學以圖上進國家三年登造束帛弓
旌不特爾身有榮卽爾祖父亦增光寵矣逢時得志甯
俟他求哉若仍視爲具文玩愒弗做毀方躍冶暴棄自
甘則是爾等冥頑無知終不能率教也旣負栽培復干
咎戾王章具在朕亦不能爲爾等寬矣自茲以往內而
國學外而直省鄉校凡學臣師長皆有司鐸之責者並

宜傳集諸生多方董勸以副朕懷否則職業弗修咎亦難追勿謂朕言之不預也爾多士尙敬聽之哉

雍正五年

欽頒上諭朕視天下萬民皆爲一體况讀書鄉薦之人異日俱可作朕股肱耳目是以朕心待之實有一體聯屬之意愛養培護卽如自厚其身此皆出於中心之自然並非欲天下士子之感頌也今舉子等以會試叨荷特恩合詞陳謝是尙不能深悉朕一體相關之意而有上下彼此之形迹矣朕待天下惟有一誠而崇儒重道之心尤爲篤切但所崇者皆真儒所重者皆正道若徒尙虛

浦江縣志

卷之四

學政

五

文邀取名譽致貽世道人心之害朕不忍爲也爾等讀書之人實四民之所觀瞻風俗之所維繫果能誦法聖賢躬行實踐宅心正直行己端方則通籍於朝必能爲國家宣猷樹績膺棟梁之選卽退處鄉閭必能教孝勸忠爲眾人之坊表故士習旣端而人心尙有不正風俗尙有不淳者無是理也爾等旣感朕恩卽當仰體朕心各遵朕訓爭自濯磨或出或處皆端人正士爲國家所依賴如此方爲實心報效不在感恩奏謝之儀文也欽此又奉

上諭居家孝友行止端方才可辦事而文亦可觀者一學

各舉一人

乾隆五年

欽頒上諭士爲四民之首而太學者教化所先四方於是觀型焉比者聚生徒而教育之董之以師儒舉古人之成法規條亦旣詳備矣獨是科名聲利之習深入人心積重難返士子所爲汲汲皇皇者惟是之求而未嘗有志於聖賢之道不知國家以經義取士使多士由聖賢之言體聖賢之心正欲使之爲聖賢之徒而豈沾沾焉文藝之末哉朱子同安縣諭學者云學以爲己今之世父所以詔其子兄所以勉其弟師所以教其弟子弟子之

所以學舍科舉之業則無所爲也使古人之學止於如此則凡可以得志於科舉斯已爾所以孜孜焉愛日不倦以至於死而後已者果何爲而然哉今之士惟不知此以爲苟足以應有司之求矣則無事於汲汲爲也是以至於惰遊而不知反終身不能有志於學而君子以爲非士之罪也使教素明於上而學素講於下則士子固將有以用其力而豈有不勉之患哉諸君苟能致思於科舉之外而知古人之所以爲學則將有欲罷不能者矣觀朱子此言洵古今通患夫爲己二字乃入聖之門知爲己則所讀之書一一有益於身心而日用事物之間

存養省察闇然自修世俗之紛華靡麗無足動念何患
詞章聲譽之能奪志哉况既爲科舉亦無礙於聖賢之
學朱子云非是科舉累人人累科舉若高見遠識之士
讀聖賢之書據吾所見爲文以應之得失置之度外雖
日日應舉亦不累也居今之世雖孔子復生也不免應
舉然豈能累孔子也朱子此言卽是科舉中爲己之學
誠能爲己則四書五經皆聖賢之精蘊體而行之爲聖
賢而有餘不能爲己則雖舉經義治事而督課之亦糟
粕陳言無裨實用浮僞與時文等耳故學者莫先於辨
志志於爲己者聖賢之徒也志於科名者世俗之陋也

國家養育人材將用以致君澤民治國平天下而囿於
積習不能奮然求至於聖賢豈不謬哉朕膺君師之任
有厚望於諸生適讀朱子書見其言切中士習流弊故
親切爲諸生言之俾司教者知所以教而學者知所以
學欽此

生員額數

明史選舉志

生員之數府學四十人州縣

以次減十師生月廩食米人六斗有司給以魚肉

生員雖立數於國初未幾卽命增廣不拘額數宣德

中定增廣之額在京府學六十人在外府學四十人

州縣以次減十

增廣旣多於是初議食廩者謂之

廩膳生員增廣者謂之增廣生員及其既久人才愈多又於額外增取附於諸生之末謂之附學生員凡初入者止謂之附學而廩膳以歲科兩試等第高者充補非廩生久次者不得充歲貢。提學官歲試核士之外令教官舉諸生行優劣者一二人賞黜之以爲勸懲

國朝順治四年定直隸各省大學取生員四十名中學取三十名小學取二十名又奉定直省各學廩膳生府學四十名州學三十名縣學二十名增廣生額數同順治五年題准儒童入學大府取二十名大州縣取十

浦江縣志

卷之四

學政

八

五名小學取四五名

康熙九年題准各直省考取儒童府學二十名大州縣學十五名中學十二名小學七名

康熙二十八年奉

上諭江浙爲人文之藪增廣入學額數議定府學二十五名

大學二十名中學十六名

浦江係中學

小學十二名定爲

例

康熙三十八年奉

恩詔入學名數前已增額今著於府學并大中小學各增取五名舉行一次

康熙六十一年奉

恩詔直隸各省儒童大學加取七名中學加取五名小學加
取三名後不爲例

雍正四年奉

旨廣額議取大學二十五名中學二十名小學十六名

薛志浦江

係中學當時邑侯未及詳請至今仍舊近來赴試者日多學憲於歲科兩試撥府學者多至七名及十名

乾隆元年奉

恩詔各省儒學額數大學加七名中學加五名小學加三名
舉行一次

乾隆十六年二十二年二十七年

浦江縣志

卷之四

學政

九

聖駕南巡奉

恩詔江蘇安徽浙江三省儒學加額大學取五名中學取四
名小學取三名各舉行一次不爲例

乾隆四十六年奉

恩詔加取學額四名

乾隆五十年奉

恩詔加取學額四名

嘉慶元年奉

恩詔加取學額四名

嘉慶二年六年歷奉

恩詔加取學額五名

道光二年三年三十年歷奉

恩詔加取學額五名

咸豐三年奉

恩詔加取學額五名

同治三年奉

恩詔加取學額五名

同治六年奉

旨廣額捐資助餉案內永加定額一名

按咸豐三年部議推廣捐輸案內各直省捐銀至壹萬兩者除捐生獎叙外加永遠文武學各一名不得過十名之數又紳民集團

浦江縣志

卷之四

學政

十

募勇克復城池案內永加定額三名

謹錄司撫詳文奏章并

諭旨布

政司蔣益澧按察使楊昌濬為紳民集團募勇克復城池詳請

懇加廣永遠文武學額以昭激勸事竊據浦江縣知縣黃森南據紳士四品卿銜吏部郎中張景青等稟稱浦邑自咸豐十一年八月間被賊竄陷後下游郡縣相繼淪陷惟上游衢城未破賊匪往來出沒浦江實當其衝蹂躪慘不可言生員黃林宴等激於義憤集資團練并勸各都設局募勇萬餘人齊心殺賊自咸豐十一年冬起至同治二年正月止時歷年餘與賊先後數十戰攻破賊卡十餘處殺賊無數同治元年開攻破嚴州府城附近之鷓鴣埠小里埠賊卡二處正值官軍攻撲嚴城賊匪腹背受敵府城隨卽克復復於同治二年正月間隨同官軍克復浦江城池又率團隨赴諸暨剿賊擒斬甚多先後動用經費拾萬餘兩均係各局各戶零星湊聚業經稟明前縣有案伏思同仇敵愾固臣子之常經獎義旌功尤國家之鉅典職等恭閱邸抄前因縉雲等縣集團助剿人數眾多議叙難以徧及蒙

奏準加廣文武永遠學額各在案浦江事同一律稟請
援案加廣文武永遠學額以昭激勸等情由縣查明
詳請核轉併聲明該縣原定文學額十六名武學額
十二名等情到司據此本司等查浦江縣紳民捐資
募勇隨同官軍克復城池洵屬義勇可嘉今請援案
加廣學額前來核與西安等縣成案相符理合會文
詳請 憲臺察核俯准援案奏懇
天恩將 浦江縣加廣永遠文武學額各參名以勵人材而昭
激勸再查奏定章程捐輸加廣永遠學額大縣不得
過十名此次浦江縣因克復城池請加學額如蒙

特旨加
俞允係

廣與尋常捐輸不同嗣後該縣有因捐輸加廣者毋
庸歸併計算其從前助餉案內並未辦過加額又西
安等縣紳民辦團剿賊克復請加文武學額均祇三
名今該縣請加額四名核與成案名數不符現在更
正請加三名以歸畫一合併聲明並請咨明
禮部查照除詳
督憲外為此備由呈乞照詳施行
三月十九日奉巡撫馬新貽

奏為紳民團勇力保危城并克復城池援案籲懇

浦江縣志 卷之四

學政 二

天恩加
聖鑒事

竊查前據署瑞安縣知縣馬壽華詳稱咸豐十一年
八月間金錢會匪攻據郡城分撲瑞邑甚急官民血
戰直至十一月初六日城圍始解實有三月之久出
資出力洵屬義勇可嘉可否永遠加廣文武學額等
情又據浦江縣黃森南詳稱咸豐十一年八月賊匪
攻陷縣城經紳民集團募勇攻剿兩載於同治二年
正月閒隨同官軍克復又率團赴諸暨縣協剿用費
拾萬餘兩援案請加廣文武學額等情各前來即經
批司轉飭各府縣覆查瑞安縣咸豐十一年八月閒
被匪圍攻紳民出資出力齊心血戰直至十一月初
六日鄉圍四路包剿城危始解該紳民等因係保境
安家不敢仰邀議叙請廣永遠文學額四名武學額
二名仍合文武六名之數又浦江縣咸豐十一年八
月閒城陷紳民捐資募勇團練歷戰二載於同治二
年隨同官軍克復請加廣永遠文武學額各三名由
布政使蔣益澧按察使楊昌濬會詳請
奏前來臣查瑞安縣原定文學額二十名武學額十二
名浦江縣原定文學額十六名武學額十二名今瑞
安紳民捐資募勇隨同官軍克復城池協剿隣境均

屬同仇敵愾義勇兼全因人數眾多邀免議叙請廣學額核與西安縉雲臨海永康等縣成案相符合無仰懇

天恩俯准

瑞安縣加廣永遠文學額四名武學額二名仍合六名之數浦江縣加廣永遠文武學額各三名以順輿情而昭激勸至原定章程捐輸加廣永遠學額大縣不得過十名此次瑞安浦江二縣或因力保危城或因克復城池請加學額如蒙

俞允係特旨加

廣與尋常捐輸不同嗣後該縣有因捐輸加額應請毋庸歸併計算其從事助餉案內並未辦過加額除咨部查照外臣謹會同閩浙督臣左宗棠浙江學政吳存義恭摺具

秦伏乞

皇太后

皇上聖鑒訓示謹

奏

五月十三日奉

旨另有旨同日奉到四月十六日內閣抄出上諭浙江巡撫馬新貽奏瑞安等縣紳民團勇力保危城並

浦江縣志

卷之四

學政

三

克復城池援案請廣學額一摺浙江瑞安縣於咸豐十一年開被匪圍攻該處紳民出資出力齊心血戰城圍始解浦江縣於咸豐十一年開城陷紳民捐資募勇力戰二載隨同官軍將城克復均屬同仇敵愾義勇可嘉着照所請瑞安縣准加廣永遠文學額四名武學額二名浦江縣准加廣永遠文武學額各三名以昭激勸餘着照所議辦理該部知道欽此

光緒元年奉

恩詔加取學額五名

光緒二十一年奉

恩詔加取學額五名

武學 明史選舉志崇禎十年令天下府州縣學皆設

武學生員提學官一體考試

國朝浦江武童定額歲試入學十二名同治六年因捐資
助餉案內照文生例永加定額一名又紳民集團募
勇克復城池案內照文生例永加定額三名

學田 附

舊志及金華府志俱載學田總計三百九十五畝零地

二百一十三畝零并山塘今廢府志又載有學倉今

廢明邑人宋濂學田記北庭廉侯治浦之明年聞學

圖牒命攝學事張瑞臣掌計傅珍履畝而括其實明

於是圖其形圍志其疆畔為書以藏於學官祝君來

謂濂曰田之沒於民者七十餘年矣非我侯之至明

曷以有是哉不可使泯泯無傳而縣尹蕭侯文質主

簿劉侯思稷皆先後贊其成亦不可不附見焉應昇

敢奉幣以請願為我志諸碑昔范忠宣公之治襄也

嘗復養士之田至今人賢之若侯之為固無媿於忠

宣然非令若佐能順承之則其事必有未易集者是

皆可書濂因不辭為序次其概而繫詩十二章章六

句於其左廉侯為恒陽文正王諸孫名阿年八哈字

景淵時為達魯花赤有為有守民被其賜詩曰於越

浦江縣志 卷之四 學田 古

之西縣曰浦陽江水如環風氣鬱藏侯來監之治具

畢張學有土田民或奪之我侯曰嘻我其復之爾士

其徠執我簡書乃啓其韞乃履其郊乃括其疆弗爽

絲毫民情雖深何得而逃載稽載詢載圖載形狹袤

方邪鱗次而升士驩且呼我侯之明侯復曰嘻爾士
復徠學為化基如盥有鼎濯我振我達我於財爾廩
爾充爾經爾功處家思孝出仕思忠惟孝與忠羣行
之宗爾鄉先正爾耳共聞節愍徇國太竭慕親至今
仰之朱爵素鱗爾或勿思飽食以嬉簞食豆羹享之
亦非我聞古人實恥賤儒士咸曰嗟侯我父兄食我
教我底我於成我驅七尺敢忝所生惟恒陽王有聞
將將施於我侯以廉以方一呼之間卒歸侵疆惟令
暨佐亦義之從交贊先後卒成侯功吾其昭之以垂
無窮麗性有石上龜下螭爰勒聲詩以敬以思以勸
後人守之勿墮至正十一
年歲次辛卯十月丁丑記
薛志按明代學宮田地共有六百零八畝歲入所供
養士甚厚不知廢於何時或撥入公項或經兵燹漸
致吞蝕均無
從稽查矣

國朝

康熙八年邑人陳祥捐修尊經閣產民地陸畝 十七都三圖

康熙四十五年邑人項仕晏捐修學宮產今伏官田壹

畝 五都二圖

康熙五十五年邑人陳永遠捐修學宮產嘉田貳畝柒

分伍釐 十三都四圖

康熙五十三年邑人鄭璧捐修 文廟產靈田貳拾畝

零柒分貳釐今伏官田捌分民地柒畝柒分伍釐民

塘壹畝貳分

雍正七年邑人賈應銘捐修學宮產嘉田貳畝伍分原

浦江縣志

卷之四

學田

十五

學田貳畝貳分柒釐

乾隆十八年邑人徐奎捐修 文廟產通田共壹拾捌

畝民地貳畝

乾隆二十二年邑人黃方遠捐修 文廟產靈田共貳

拾肆畝捌分柒釐伍毫民地貳畝塘壹畝伍分 莊屋貳間

乾隆二十八年邑人陳文光捐修 文廟產寺田伍畝

柒分伍釐

以上田地其都保邱片土名另刊義產冊

書院

月泉書院

在縣西北二里舊志宋徽宗政和三年知縣

孫潮疏月泉築月泉亭

樓寅亮記云孫時仲出長浦江鄭幾道練子相劉公實來

相邑事二三大夫率以清淨承流躬行實惠百姓遂甯寢桴鼓靖園扉者屢矣民既順治乃按圖牒搜遺跡得月泉舊址於社壩之西究尋淵源達自縣北仙峰之下用民餘力翦蕪濬深疏為曲池構亭南上以備觀覽開爽澄快悅可心目洒然為一邑清致亭既落成宋王孫趙逢原首見褒與子相又作大字揭示士民德賜甚厚願有稱述會予來游眾以記請義不容辭因訪父老名泉之繇咸謂視月盈虛以為消長間遇旱暵挹水禱祀亦或感格夫有滄萋萋興雨祁祁詩人稱之與月消長何哉淮南子曰積陰之寒為水水之積者為月月繫乎天而生水已見乎羲皇大易之書陽薄乎澤而生月復見於聖訓道經之序然則生明示象流行地中昧者不察也吳越富山水取名藉甚惟茲泉載地志二三大夫獨見旌賞得無旨

浦江縣志

卷之四

書院

乎哉試為之語曰清可漑似心止可鑒似智悟容光於觀瀾似造精微窺精神於清夜似見性本三五盈缺與月齊聲又似知時而進止者不然激其餘波味其溢流潤澤生民尚無限也并錄斯言以謝士民之請政和三年八月朔記。按記稱按圖牒搜遺跡得月泉舊址則月泉之著名且在宋徽宗前矣甯

宗嘉定十六年知縣趙崇萊修月泉池癸未邑尉趙

崇栗築月泉亭度宗咸淳元年知縣王霖龍導月泉

源復濬月泉塘築月泉亭邑人朱子槐記

云月泉學池也池邊

皆學曠地也泉之通塞士之否泰關焉此邑人材位文昌登臺察者大節凜然炳炳史牒色正芒寒月泉實為鍾美於是王令尹浚而通之泉湧如沸甯非杓攜魁枕之兆歟故為之說曰清瑩秀徹能使人材之泰南有臺北有萊者月泉也忠信誠慤能使月泉之復盈而虛虛而盈者令尹也有客曰其數歟余應之曰坎於巽為月惟剛中可以濟坎蒙山下出泉惟養正可以發蒙昔飛泉為李貳師而涌井泉為景伯宗

而出感而遂通惟此心耳心太極也其動為陽其靜為陰其光為日星其澤為雨露皆非心外物也子亦知侯之心乎茹古涵今清養源也蘇枯弱強溥恩波也洞幽燭隱滌冤濫也爬痒節垢洗宿蠹也崇學校而百廢具興混乎其盈科若水涌而碧沁也屏嗜慾而一塵不染窈乎其虛寂若水涸而泥融也固寬厚於精敏寄發摘於撫字春嘘秋吸風行雨止浩浩乎若虛而盈盈而虛莫得以測其神也是則月泉盈虛之復實自侯方寸中來數云乎哉游泳於斯者鳶飛魚躍道源性淵之學足以泝河汾而達洙泗魁奇卓異之材出矣則是亭也三年建月泉書室立朱呂二先生祠舊志王侯命庠序職員運材石瓶書堂卜築於泉亭亭西北得曠地十餘畝捐助者交至用此會眾工而績以成橋曰登雲池曰芳潤其北曰涵洙涵洙之東曰正心正心之北曰明德祠之後堂曰明理以至曰齋曰序曰直舍曰祭器房米廩公廚井竈咸具總四十五楹為扁二十有二以呂成公講道麗澤朱文公嘗提舉浙東行部過此與成公友善遂於此地闡明正學乃祀二先生於月泉精舍令學

者瞻仰欣慕復置月泉書室田薛志按王侯霖龍令

肄業其中復置月泉書室田浦江時規月泉隙地

為書堂置田三十六畝有零地山塘一十五畝有零

歲收其息為學舍菜費其餘以充庖廩繼仕於鄞於

京於朝俸入之羨復又銖累積之屬邑紳士與邑佐

陳君豹請為增置久未有應迨侯出守桐江與浦接

壤陳君豹乃語侯曰昔受鬻田之囑已收鏹五百貫

而田未償今有私家田二十畝零為請以易侯乃將

新入之田申於戶部牒縣免稅并陳提學漕司然則

書院之建田產之置皆始於王公屋舍四十楹田地

幾及百畝至後日而元初陞為月泉書院置山長一

田廬化為烏有惜哉員主教學

徒是時邑人烏傷令吳渭入元不仕隱居月泉倡月

泉吟社至元丙戌丁亥間徵賦春日田園雜興詩限

五七言律體凡收二千七百三十五卷延致方鳳謝

翱吳思齊評定甲乙選中二百八十名於三月三日

揭榜自第一名至五十名以次給賞并每人送四六

小劄與賞者亦各回小劄自是而月泉之名遂著詩

不具載茲就薛志藝文中所載者附錄於此吳渭徵

本社預於小春月望命題至正月望日收卷月終結

局請諸吟社用紙楷書以便副而免於差舛明

書州里姓號以便供賞而不至浮沉切望如期差人

來問浦江縣西地名前三日揭曉賞隨詩冊分送此

標照應俟評校畢三月三日揭曉賞隨詩冊分送此

固非足浼我同志亦姑以講前好求新益云又詩

評云詩有六義興居其一凡陰陽寒暑草木鳥獸山

川風景得於適然之感而為詩者皆興也風雅多起

興而楚騷多賦與比漢魏至唐傑然如老杜秋興八

首深詣詩人闡奧興之入律者宗焉春日田園雜興

此蓋借題於石湖作者固不可舍田園而泛言亦不

可泥田園而他及舍之則非此題之詩泥之則失此

題之趣有因春日田園間景物感動性情意與景融

辭與意會一吟風頃悠然自見其為雜興者此真雜

浦江縣志

卷之四

三

興也不明此義而為此詩他未暇悉論往往敘述者
多入於賦稱美者多近於頌甚者將雜興二字體貼
而相去益遠矣諸公長者惠顧是盟而屑之教形容
摹寫盡情極態使人誦之如游輞川如遇桃源如共
柴桑墟里撫榮木觀流泉種東臯之苗摘中園之蔬
與義熙人相爾汝也如入幽風國耜者桑者競載陽
之光景而聆倉庚之載好其音也如夢寐時雍之世
出而作入而息優游乎耕鑿食飲而壤歌之起吾後
先也其餘瓊辭藻思粲然畢陳應接有所不暇姑次
第其篇什附以管見俟覽者細訂之若曰折衷則渭
豈敢歲疆園大淵獻修禊節婺月泉吳渭拜書邑
人陳鶴臯詩世事不挂眼寄情農圃中鉏犁衝曉雨
杖履立東風芽穀驗仁脉澆花趨化工獨餘真意味
濁酒自燒菘邑人柳州詩東風生意開農圃正宜
勤稻種開包曬菊苗依譜分疇西曉耕雨舍北暮鉏
雲莫待荒三徑歸歟陶令君武林羅公福詩老我
無心出市朝東風林壑自逍遙一犁好雨秧初種幾
道寒泉藥旋澆放犢曉登雲外隴聽鶯時立柳邊橋
池塘見說生新草已許吟魂入夢招分水何鳴鳳
詩東風轉矚又東臯久賦將燕力未孀占木陰深巢

燕弱荒陂水淺怒蛙豪兒痴方擬半栽秫身隱尚嫌
全種桃何許蕨薇君欲採饑眠堪羨華山高。崑山
劉蒙正詩桑風吹綠滿原頭西崦東臯暖氣浮村婦
所蠶分麵親老農占歲說泥牛田烏飛逐耕烟犢桑
扈鳴隨喚雨鳩鄰叟相邀同社飲旋將新酒向花筭
。邑人黃景昌詩野色搖春麥正肥烟村閑寂往還
稀未多桑葉蠶初浴更小茹茨燕亦飛行市綠蛆花
潑眼卧坡黃犢草侵衣數聲桐角歸來晚楊柳移陰
月半扉。邑人陳君用詩春風冗我田園務野思芳
情約不齊檢點瓜邱仍芋隴按行桑墅更秧畦偶陪
靈運山前屐或學東坡雨外犁薄暮倦歸專一事旋
誅生菜擁黃蓋。杭州仇遠詩一壩新綠護茅廬草
細泥鬆已可鋤野老但知分社酒地官甯復進農書
鶯花眼界人烟外蠶麥生涯穀雨餘我愛賦歸陶令
尹柳邊時見小籃輿。義烏陳希聲詩香紅眩眼纈
蕤英竹杖扶吟縱步行桑眼暮含青蕾小麥鬚蝦蝶
翠芒輕黃花菜圃午風軟綠水秧畦春野平芳樹幾
聲鳩雨過蒼蒼柳色弄烟晴。犁鉏徧野沸耕農血
吻鵲聲一樹紅畦蠹秧針刻刻隴翻麥浪翠芑芑
鷄鳴晝寂花村雨蛤吠朝寒草岸風溪外雲過橫笛

浦江縣志

卷之四

書院

四

亂微烟野色樹龍葱。邑人戴東老詩飲了椒盤收
了燈翁攜稚子步新晴茅柴初熟勝臘醞萊菔久齏
宜晚羹伏卵鷄留上春種出欄牛試吉辰耕去年官
賦今年罷寂甚門前犬吠聲。昨夜西郊雷隱鳴金
穰檢慙兆秋成槍旗味向茶畦蓄餅餌香從麥隴生
拂去梁塵招燕乳撥開簷網看蜂營誰家子女羣喧
笑競學賣花吟叫聲。野花村醞賞清明挑菜踏青
魚隊行襖水戲浮觴白羽厨烟不禁飯青精田功宜
早秧勤插桑價方高繭告成莫道犁鉏忘學問讀書
聲閒織機聲。茗水陳文增詩熙熙隴畝扇和風簇
簇人烟野氣濃培漑桑麻沿汲路經行薺麥省耕農
飲牛潤暖山搖影折果枝青蘇拆封酒熟花香村欲
社芒鞋藤杖儘從容
至元二十七年副使王侯因書院圯壞創

議重修成宗大德十年縣尹蔣恕文宗至順三年達

魯花赤八兒思不花相繼復葺之順帝至正十一年

縣尹蕭文質重修教諭張用有記
見月泉元末又圯

王禕借宋景濂戴叔能陪蔡士安韓思學游月泉書院分得矣字詩良辰盍華簪出郊餘二里精廬尋月泉散策稍游止吾邦宋鉅儒厥有呂夫子淵源自濂洛述作借經史維時紫陽翁志合道相似律呂相倡宣規矩互模擬傳緒斯有歸正學固如此茲土昔過化百世崇明祀餘思尚藹然盛德非遠矣後生抱區區結髮蹈先軌今游雖云樂車馬謝繁靡望遠登高址臨幽玩清泚仰惟古人意豈敢肆娛熹仙華翠如削引頌明世宗嘉靖五年知縣毛鳳韶復建自爲記足頻跋

見月泉考志○薛志按自元以來歲久池蕪書院遺址變爲桑田知縣毛鳳韶令浦之三年邑事少暇乃謀於縣丞王庭蘭卽月泉池刈叢翳出泥塗濬舊地而新之清泉迸出若應其候者乃按圖牒採形勢復侵地建書室於泉之上命耆民張廷玉董其役士知向往者樂事趨工楣楹棟礎砌瓦甃不集而辦上

不爲官費下不爲民擾逾月而告成正堂五間繪以周呂二先生像而祀之兩齋共十間門屋五間繚以周牆俾近民守之其創制名扁一倣前令王霖龍之遺意俾諸生肄業其中但王侯瓶書屋於月泉西北而

此云建於泉之上時
月泉已失其故址矣
懷宗崇禎六年邑人張一琳呈請捐貲建

浦江縣志

卷之四

書院

五

關帝祠於月泉之左顏曰作忠堂知縣吳應台記

越東偏三國時隸孫吳而壽亭之殉節也吳實爲之當是時全荆反璧孫氏君臣舉酒相賀金卮一擲阿蒙魂攝仲謀膽落議者以爲人各爲其主耳計疏身死厲鬼殺賊忠則忠矣不亦拙耶且其時白衣搖櫓已自讓阿蒙一籌事敗而死卽死矣忠於漢與阿蒙之忠於吳等耳何以千載下尸祝而俎豆者不在本國之阿蒙而在壽亭何也夫宇宙之有正統亦若天之有日耳幽谷暗室曦光不及假炬以爲明處其

中者雖忘其炬之非日而未嘗一刻不知有日也况孫氏父子世受漢爵因便乘利竊據一隅不圖獎復王室而君臣籌畫計數州之小利反顏事賊與漢爲讐則阿蒙速死亦自其應得之罪特借壽亭以著其神異耳忠吳之功不足以贖背漢之罪也浦勝地宋儒朱二里許有月泉其泉與月共盈虧爲浦勝地宋儒朱

元晦呂伯恭講學其上自是淵源不絕蒙古改命諸
 儒有志者多隱不仕倡月泉吟社為之主者故烏傷
 令邑人吳清叟也命題走幣秦魯齊梁之士無不畢
 致集卷踰萬為一時盛事今讀其詩大約皆悲歌感
 憤忠義慷慨之語不啻殷人之傷麥秀也故海內豪
 傑之士相與感動龍興一呼應者如響嗣是宋景濂
 先生為月泉山長方正學及義門鄭氏兄弟輩皆受
 業門下應求聲氣相與砥礪開國家三百年來忠孝
 節義之先則豈非天地之正氣於此泉有獨鍾耶坎
 為水為月水之不盈月之幾望地道也臣道也然
 淳泓淵瑩者比地而是何以獨茲泉得與二曜共盈
 縮邪泉之上舊有書院為四方負笈者卒業之地蓋
 自宋元以迄國朝代有修葺百年來乃成廢壤邑大
 夫溫然張先生以佐離歸寄傲林泉漱此泉而悅之
 因構一堂一閣課其子姓而於堂之上置座奉朱呂
 二先生其閣則肖壽亭像而祀之會予以零事憇其
 堂為之顏曰作忠嗟夫登斯堂者忠孝節義之心可
 以油然而生矣壽亭初不過一堂者忠孝節義之心可
 施千古甚者讐敵之國窮山僻谷亦廟貌而俎豆之
 史氏稱其聖之忠夫壽亭非聖也惟其忠也故聖也

書院

後世以為是可惜以勵世而磨鈍也從而帝之王之
 帝之王之非其志也特因其帝之王之而後世之
 人心風俗化奸為良易叛為正則壽亭以當世之人
 臣而受後世之尊稱加之而不疑受之而不怪者未
 必非其本志也是則張大夫祀壽亭之而不怪者未
 意而亦予題作忠義之意也因為之記重濬月泉
 建祠時承毛令之舊故云祠在九年吳應台重建月
 泉書院立朱呂二先生祠長洲張溥為之記云浦江
 與月消長是名月泉宋考亭東萊兩夫子嘗講學泉
 上其時邑令王霖龍者即其地構書院數十楹令多
 士肄業其中又繪兩夫子像於堂使之瞻仰元柳待
 制詩稽首堂前兩夫子是也由宋以來曠廢弗修宮
 宇日就榛蕪遺跡所存選選為有力墾沒絃誦之轅
 響亦不啻更數百有餘歲矣予友愛先高足張子德
 燧生於其地企慕絕學集合同志治業其上受先嘗
 嘉其學命名繼社序而梓之然繼社諸子徘徊中露
 聚講實無甯宇求所謂先哲音容係人心目益杳然
 無即也高山仰止景行行止諸子三復斯言常不勝

羹牆之思湘楚伯能吳先生來領縣事政化既翔尤
銳意於教凡膠庠之地無不修舉乃謂茲泉尤先民
講習之所何堪廢壞為乃召諸子興議鼎建首捐俸
出侵地焉爾乃紳士競輸木石度材致用始事於崇
禎丙子冬仲越五月告成凡為堂若干楹祠兩夫子
又為複閣齋舍集繼社諸子益廣之俾朝夕砥修於
是月為三課遴其學與理之醇者付之梓所以考其
成而勵其怠者至矣張子與諸子既感廢興之故而
樂觀厥成謀識之貞珉以世光先生與復茲泉之義
於予予詰張子曰子亦知先生與復茲泉之義乎夫
理學之蘊莫具於泉易曰蒙泉以果復茲泉之義
化於水則屢嘆之子與氏以為原泉不舍有本者如
是其言造道又曰資深逢原而况茲泉之氣化最靈
者哉蓋人生析流分化萬理咸備猶茲泉之本澄以
泓者也講學窮理以發良心之知而心德充廣猶茲
泉之感弦望而盈者也學以日尅而後生功必屢損而
有以極其成猶茲泉之閱消而後長者也自利欲日
汨學者誕漫恣睢不知所學是以知識錮障亦猶漫
漶於氣垢久錮於沙礫而泉失其本性者也一旦奮
勵澡滌立心以義而泳洑以仁善章而欲泯道之全

浦江縣志

卷之四

書院

七

體忽然畢見亦猶茲泉之湮塞者可以復濬而盈縮
參驗正愿愿不爽者也夫盈科後進學者致道之功
淵泉溥博學者淳涵之本古之君子俛焉孳孳究析
蘊妙良以天之命我盈虛消息稍未見原以為所學
何事世遠教失士知文藝而不知性命沿流忘源真
理曠失咸繇於此先生是舉其有會於兩夫子之意
而直以理學淵源為已任乎如僅曰辭章而已滿雖
下邑黨庠博習非繫無地其尚以茲泉贊耶予又聞
先生體質神明而蘊蓄廣大故其為治片言發覆人
不敢欺然尤敦大體本以涵濡需民化成凡邑之大
興革靡不備舉而茲之教功著斯道尤非小補直與
哲嘉惠來學其有本之教功著斯道尤非小補直與
茲泉兩夫子同不朽可也先生姓吳名應台復即高
伯能其字也楚之湘陰人登崇禎甲戌進士復即高
遠亭故址作甘雨亭時禱雨有應故也應台有
繼社重建十齋業曰遜志曰時敏曰篤信曰日就曰敬
辨張一儒有記院詩吾邦宗麗澤似覺月泉小泰山

俯云亭喬松施蘿薦乾涓大儒出天下同師表惟我
父母邦涵濡深更早畏壘化庚桑晉人咨史趙鄉稱
麗澤規家誦成公橐尸祀到清虛百年薦芹藻浦川
北山北分祠殆非矯當時紫陽翁切磋互相考大名
垂宇宙過化其音昭並祀兩夫子月泉未易少但恨
碑者誰潮月微虛肇明魄易其位視日月猶眇舉此
酌儒先神或吐觴醪山水護儒宮褒衣垂大昭江漢
以濯之吾道云皜皜作詩語同傳路迷須見曉九軌
鳴和鸞慎勿從驂篠明
月照空潭萬丈雲陰掃

國朝康熙三十三年知縣趙懿源重立朱呂二先生祠

設春秋二祭祭壇與社并設吳公祭重建十齋懿源自

月泉置書院田十五畝七分有置田託約云為立議

得月泉書院設立義學延師訓迪民間子弟修舊典
也向來館師束修及雨天生徒飯食皆係本縣捐給
但捐辦非經久之計因而告知學憲鄭公蒙其慨然
相助今本縣共湊成白金一百兩兩面全學師捕衙託

浦江縣志

卷之四

書院

八

付張宦德旭代為置買田畝以為義館束修供給之
費務祈購買片段水旱無虞田畝開明四至繪畫圖
形立戶輸糧其一應催糧總甲雜差概行優免所買
之田即交託館師收租完糧如後來當事能給束脩
供給館師則租息所入即作修理齋舍及雨天生徒
飯食之費如當事未能措給則以租息收作館師束
脩可也若日後館師更替即將田畝交割明白毋致
侵沒永所遵守勿負付託之意須至議者○知縣何
子祥跋其後云先河後海有基勿壞是區區者良足
珍愛○薛志云趙之託約何之跋語深鑒田廬易歸
湮沒後之君乾隆十八年署浦江縣事宋鰲李芳萃
子尚其諒之乾隆十八年署浦江縣事宋鰲李芳萃
相繼重修薛志按先覺堂舊被洪水冲壞流思閣亦
成之董其役者邑人朱興二一十八年知縣何子祥捐
燕張守察趙必崑戴王茂一十八年知縣何子祥捐
修書院并置田十七畝六分以充膏火四十一年知
縣薛鼎銘於

關帝舊座重濬月泉

有記見山川月泉下。邑人朱與

舍開考亭講學與東萊須知杖履名賢集共企淵源

勝地陪泉脈於今仍潑潑月輪終古總澄澄尋幽莫

負高山仰先覺堂中澤未頽。雲亭深處路縈紆吟

社由來韻事殊遺老標題曾製錦名流雅什亦聯珠

春風栗里心堪賞化日桃源跡未孤剩有田園探雜

興分明一幅輞川圖。離騷讀罷問蒼旻曾憇當年

汐社人燕北不歸文相國臺西長慟宋遺民冬青有

樹埋陵骨晞髮無家剩隻身魂到月泉仍俎豆不將

許劍委沉淪。春誦依然碧水盈緬懷古社讀書聲

河東博士匡廬句深裏山人蠹簡情午夜開簾窺皓

月凌晨把卷聽啼鶯沉吟講道光十年知縣方功鉞

席今猶昔誰與金蘭訂舊盟

勸捐重修按乾隆年間黃昌期因書院傾圮捐資修

葺至是流思閣剝蝕摧殘昌期曾孫黃燮

獨力修建復於閣後增造廳祠三間移朱呂二夫子

及先哲賢令神主並新吳公像於其中以隆祀事又

慮經費不給捐田七畝零以充之當黃燮未修之前

掌教張時泰曾捐館穀以修書院並見月泉考志樓

浦江縣志

卷之四

書院

九

望川十六年知縣王衷亮捐置書院田九畝三分七

釐五毫孝門張又七分五釐孝門張十八年知縣黃

崑捐置書院田十畝芳地黃幾且仝姪黃林宴助。

今錄義咸豐辛酉粵匪之亂書院及

關帝神祠均燬於火光緒二十二年邑人黃林宴重建

流思閣三間董事陳觀張寶恒等重建廂屋三間

浦陽書院 在 文廟左舊志明神宗萬曆四十三年知

縣黎宏道新建書院於學宮之東偏造文昌閣曰文

昌書院買田十六畝零置戶宏道與邑人張應槐俱

有記黎記云浦自景濂宋先生首以名儒佐高皇帝

定天下一代典章制作粉飾太平之具盡出其

手為是浦陽文章名震函夏嗣是作者代不乏人至
 於科第蟬聯則三陽張君葵明倪君霽華鄭君致虛
 樓君四三君子競以雄文偉伐彪炳一時庶幾山川
 生色矣邇來歷科賢書遂至寥寥當事者嗟然異之
 予剖符得浦至則詔諸生問故夫浦以文儒開國運
 後來諸秀彥宜從雲龍風虎聿紹前休而魁名落拓
 豈諸生不學之故歟抑有司育才無術之以也諸生
 旅而告予曰學宮造士之地形勢強弱邑中文運實
 樞紐於斯形家有言學東偏單薄缺陷羽翼未成風
 流氣散補其偏而救其敝宜有藩屏之設且郡大夫
 周公行部諳諳為言以俟君子政在今日願師留意
 予唯唯嘆曰昔女媧氏煉石補蒼穹語多屬幻然地
 利之不齊洵人力之可補矧吾先師美宗廟富百官
 雖有數仞宮牆範圍其外而擁護未嚴藩屏未固亦
 非吾徒羽翼聖宮義也於是步覽周迴見田疇廣衍
 睥睨窺垣急捐俸錢從民間買址數畝集諸義士庀
 材程工鼎建書院堂寢各三楹左右廊廡書舍各七
 閒規模宏邃蔚然改觀而後又剏高閣於其上視澤
 宮儼如吾先師端拱南面而泰山巖巖坐隅壁立鳴
 呼東南半壁之天亭亭若障矣閣既成邑青衿相與
 貌文昌俎豆其中請以文昌命名愚謂文昌為北斗
 魁前六星司天下文章之脈古帝王六宗之禋雖星
 有祀而文昌不與今茲之祀毋亦諸生乞靈之意乎
 假靈於文章以文昌名閣也可以文昌名書院也亦
 可大工既竣風完氣聚人傑地靈嗣是浦諸生應運
 而起掇元魁探大物用振揚前人盛美詎不繩繩至
 哉雖然文天魁地之寶而吾心之精也靈氣會則寶興
 神氣勵則精煥諸生誠銳若磨礪深若涵養則文芒
 一發燭霄自令觀者辟易誰能我禦其奮焉自致青
 雲以無負茲閣又在諸士之自力耳諸士勗之哉之
 役也營始於乙卯某月日落成於某月日經費自予
 創而鄉紳父老暨諸士庶亦多所助云萬歷丙辰歲
 季冬記。張記云浦邑風稱文獻勝國前不具論即
 如我明宋景濂氏元儒翊運一時史館臺郎并方岳
 之臣同朝濟濟中葉寢衰至於今計借試南宮者且
 虛無人說者咎地脈失靈抑上人作新之者或未逮
 也學宮背倚仙華峻岫玉筍面臨白石文筆插天泮
 池汪洋瀲灩允稱奇麗獨東偏稍空曠耳前侯練水
 須公晉陵莊公各剏書院於下首第一觴前一觴後
 中仍缺然倘所謂千隄一隙也主爵者惠顧我浦特

簡黎公吾翁來主撫循公廬陵清仙丰神瑩澈胸中
自具玉壺冰甲寅春下車念切民義進父老咨所謂
興革狀人各臆對公皆戰然有會於心調停行之諸
博士弟子則以學宮書院請公曰此化本也慷慨首
肯比謁奠文廟見堂庶就圮先議葺焉亟捐俸庀材
尅日從事庶民子來不半歲告成功矣從茲章采軌
物百廢具興民歡於野士謳於庠已乃巾車按學之
東卜所可淑書院地闢闡邈絕雉堞依迴爽乎講藝
談經一勝場也於是周計帑中悉輸贖銀紳秀賈
競捐資餘構寢堂各三楹翼以廡廊繚以門垣後建
高閣祀文昌神於中經始於乙卯之冬迨丙辰秋次
第落成予方治裝之粵多士屬予爲記惟聖門游夏
科列文學而武城莒父千古誦神明之宰當年注厝
不少概見而弦歌教化一得士惟滅明其人一津津
辨君子小人之儒則二賢敦尙可想已公家學淵源
穿綜經史嘗出所著四書與義泊百家纂粹爲諸生
啟鑰朔望之次日麟集課校之所品題率獎雅而抑
浮其爲治誠心穆行循務而斷仗信而行以示多士
鶴多士助之各砥爾名飭爾節無飭槃悅冒小人儒
而偃僂纖趨負慚滅明也斯不孤公加惠至意他日
書院

浦江縣志

卷之四

書院

十一

雲龍風虎有踵景濂先生輩起者執此以往可矣多
士曰淵哉斯言今岷庶德公錫福謀俎豆於宮墻之
側公治行第一且暮內召其以此院爲堂舍也而尸
祝之不亦可乎眾唯唯爰壽之石侯諱宏道字復真
號吾南起家鄉進士豫之萬安人是役也學博滇南
姜君可久慶元吳君溢實共倡議無何姜遷秩行吳
治事獨勞而以經義程諸生一時稱賢師焉建安徐
君應陞繼至亦協力考成他如董工作則主簿粵東
何君京幕史當塗李君啟聖例得並書云。按張記
須公莊公各勸書院於下首則黎侯之前已有書院
矣

國朝康熙四十五年知縣楊汝穀重修易名曰仙華書院

六十一年知縣邢世瞻重修書院置書院田薛志按

院係邢令捐俸并將黎祠祭田所入佐之紳士量力
助成邑人趙必仕張範樓承順周學山倪正祥黃德
銓等董其役。邑人毛可珪助二十六都方塢田一
畝二分零山一處僧靜超攜其師王子榮二十六都

方塢田三十五畝山一百二十畝地四十三畝歸書院而身司香火薛志按當年尚無師徒膏火之費前項田山仍歸廟僧管理至何子祥始撥田二十畝入書院為膏火之資撥田四畝九分五釐為楊邢二公祠產餘悉歸乾隆二十七年知縣何子祥重建改還僧以供香火

今額子祥捐俸及紳士樂輸共銀壹千五百五十兩

有奇置書院田地并撥入邢公澤田共壹百三十九

畝兩分六釐以充膏火束修之費子祥自為記云浦陽書

院者即舊文昌書院而增新之者也浦故有書院二

日月泉曰文昌月泉在城西北一里許為朱呂講學

之所文昌則在文廟之左為有明邑令黎君宏道

所建閣之前為講堂三楹顏曰經義左右廊廡學舍

各七間其前則為崇報堂邑人所以祀黎公也嗣後

楊公汝穀邢公世瞻並於此課士邑人因並祀焉再

前則為須公之彥莊公起元二祠莊祠已毀平地須

祠則借為育嬰堂中塑土偶而以須莊二公侍其旁

浦江縣志

卷之四

書院

主

題字塵昧不可辨識苔蔓緣於牆壁鳥雀噪於檐相令人悽慘黎祠及學舍亦漸傾圮問之耆老未聞延師儒掌講課考之舊誌僅有田十六畝以供文昌之祀而未之具耶夫書院不難於創而難於久不難於規模之宏壯而難於膏火束修以供師生之用者確有不匱之恆產一定之常制俾可繩繩遵守延名師聚秀士朝稽暮考承

國家

興賢育才之意以期於大成斯於名實相稱非僅僅廬宇之謂也然其要則在官斯土者矣余庚辰謁選都門忝膺斯任時同年友國子助教桐峯戴君為浦之名族既示余以民風士習之詳尤諳諳以書院為屬既而桐峯出宰湘南余抵郡謁郡伯楊公亦以端士習振文教為首命退而詣麗正書院觀其尊師重道講學造士之法益深仰止第以民社初膺案牘塵積未遑是也比年來以案牘清簡歲復屢登民氣安靜而桐峯適丁內艱歸里余謂疇昔之言敬識不忘舉而行之此其時矣因相與廣延邑之紳士而謀之始議即月泉書院擴而充之而月泉左為神祠右逼溪澗展拓無地不足以容多士議遂寢及觀文昌

舊址登閣四望則仙華羣峯簇擁於後南山端拱於前東嶺西巖左右縈映泮水泓然而澄鐘樓聳然而高飛躍之機風月之趣盎然與日謀淵然與耳謀其形勝實為通邑最而地復隆厚寬敞數倍月泉爰經營圖度之撤黎公須公之祠以大其址葺舊識堂為內講堂而於其外立外講堂堂之外為內臺門其舊閣之二旁更附以聽聽三楹南向聽之前為圍東植梅西植桂圍之外繚以長廊列舍各十二東西向達於內臺門門外鑿方池架石為橋度橋則為新閣閣門外列植佳樹訖於外臺門前臨泮池而周圍以牆移育嬰於普濟改舊閣為樓三楹以奉五公合祀之而祀文昌於新閣繪圖以呈郡伯郡伯曰可於是捐俸以首其事學博方君芝田少尉張君偉臣並皆同心襄助與凡紳士之捐金者若干捐田者若干著為籍其金則屬隴州牧朱松亭主之胥吏不得與焉董其役者則明經張守案趙必崑生員張啟瀟國學戴王茂經費之數浹旬一會片瓦尺木必登於籍興工於壬午之六月初七日告竣於癸未九月望日共糜金若干磚石必緻密梁柱必牢固不事綵繪而自有雲蒸霞蔚之勢顯敞寬豁遂成大觀余始願固不及

浦江縣志

卷之四

書院

三

此也今而後庶有以愜郡伯之望踵麗正之規而踐桐峯都門之約矣浦之文風本跨八邑自方柳吳宋而後寂寥幾數百年蓄極而洩自然之理余適逢其會相與有成行見人材蔚起鼓吹休明以鳴國家之盛而嗣方柳吳宋之遺風何其幸也抑予重有望焉至理日在人間聖賢可希而至安知他年不有繼朱呂而起者講學其中與月泉比隆更不僅文章之美足以紹前哲而冠當時矣爰記其顛末而更冀後之君子任是邑者振興激勵有加而無已則余今日之望庶幾克慰焉是為記 并纂書院志一卷設立章程 具載書 倡為書院八景詩 層閣披

多白雲隨風到層閣飄飄巾帶開披對逞遙矚星斗

若可捫雷雨或交觸人文倬天章雅詩賡械樸。長

廊聽雨夜雨酒桐堦更聞人語靜修廊隔東西點滴

若相應寒燄撥書燈清音閒僧磬巡簷苦吟人耽此

聞中聽。梅軒春信東風劇有情為報庭梅信疎影

當階斜花與人俱韻惟應鐵石心密契兩相印遙思

上林春因風遞芳訊。桂院秋香秋花比春花佳種

莫如桂鷺嶺移仙根帶雨姿逾媚植之滿院香醞鬪

襲衣袂獨有青雲客拈花愜芳意。泮池塔影泮水清且漣塔峯孤以迴委照良獨奇隔城墜高影乃知宇宙閒幻景卽眞景若非拓池濱何緣覩斯境。水榭鐘聲於論頌鼓鐘宮牆瞻富美偉哉聲遠樓位置良有以古鏞發鯨音中流泛瑤水餘響入太空縹緲看雲起。柳岸吟風否遶岸踏晴沙行吟屢叉手爲約踈地垂綰得春風否遶岸踏晴沙行吟屢叉手爲約聽鷗人共酌花閒酒。石橋嘯月方池架石梁月影每先到金波與玉輪兩兩弄清照步履攜短筇流覽起長嘯願言揮素琴對景寫幽抱。開化方岱濟八景詩錄五層閣披雲高樓隱現一重重縹緲晴空紫氣濃洞達八窗開四面五雲深處是華峯。長廊聽雨同志相將盡弟昆連牀風雨數晨昏瀟瀟響徹修廊下好向蕉窗細討論。梅軒春信何事山中去探奇軒前問信有南枝向簷索取眞消息春信先春春未知。桂院秋香小山颯颯響秋風一派天香散碧叢想得蕭齋吟罷後折花人在月明中。柳岸吟風鶯聲噫噫動清吟攜取雙柑坐柳陰池上波紋新織起遠風來處好開襟。邑人戴望嶧八景詩層閣披雲巍巍傑閣聳蒼旻。司命雲旗此降神四面濃霏山

浦江縣志

卷之四

書院

古

翠合一圍淡入水光勻氤氳地軸臨東壁紉縵天閭近北辰藝苑英英干氣象披吟佳興屬同人。長廊聽雨長廊幾曲抱雲亭雨逐涼颯靜裏聽暗打庭蕉依短砌輕敲籬竹過疎檣曼聲漸引鼉更咽幽響徐驚鶴夢醒最是遶關閒索句分曹篝火隔簾青。梅軒春信花信初隨風信來獨珍標格有庭梅暗香入戶吹難斷疎影橫窗掃不開結實定知調相鼎放苑已許占春魁玉堂消息煩君報便抵瓊林上苑栽。桂院秋香芳叢莫問小山幽靈鷲移根迥出倚金粟收成干朶豔銀蟾分與一輪秋阿誰修月磨吳斧好共臨風嘯庾樓高挹天香和露摘丹梯只在院西頭泮池塔影塔聳觚稜勢欲騫隔城遙映泮池邊高標早識擎天柱倒影翻疑縮地鞭雨後不隨蜃氣散月中常與兔光懸象形擬似如椽筆好把芹波作硯田水榭鐘聲何處鯨鐘遞好音中流水閣氣陰森遠飄塔寺清於磬近徹書帷淡若琴暗度風中來颯颯杳歸雲外去沉沉軒窗四面全無礙須識春容待叩心柳岸迎風蘋末微吹拂柳塘千枝搖曳媚東皇波圓玉鑑涵空碧烟裊金絲縮夕陽繫馬非關經別路留鶯不遣過鄰牆春隄面面披襟好風浴行歌也自在

石橋嘯月夜色溶溶漾素波石橋穩步月明多沈來
水底珠胎孕映合天心寶鏡磨扶杖每攜良友並敲
門不礙野僧過相將對影嘉慶八年經義堂因風雨
舒清嘯桓笛無勞喚奈何

傾圮知縣趙宜馨創議重建以去任不果繼任宋思
恭踵成之凡外講堂六侯祠立何侯祿位於五
侯祠是為六侯東西

齋廡及垣墉橋池之屬皆次第修葺煥然一新趙宋
二令

與邑人朱興悌皆復增置田地五十五畝零按道光
年閒知

縣黃崑有撥入書道光二十九年董事張景福等勸
院田六畝五分

捐重修咸豐辛酉粵匪之亂頭門五閒被燬同治十

年知縣程洪勸捐重建按程洪復撥款錢三百七十
二串交陳宗義等生息連息

得錢六百串內存繼裕同文兩鹽店四百串借朱承
錡等五戶兩百串議取一分利息兩年可得息錢六

浦江縣志

卷之四

書院

五

十串作為山長薪水駐院之費知縣張文藻勒有碑
記後朱承錡等以田抵帳今所存祇兩鹽店四百串

光緒元年知縣張兆芝捐廉重修院宇一新張自為

記云婺郡為理學名邦舊矣宋元時何王金許屏居
教授接踵洛閩而浦陽有月泉書院尤為朱呂講

學之地邑人士親炙有素習於純實至有明宋文憲
公以鴻偉絕特之才開三百年學統再傳而正學方

公遂以偉節光倫紀然則沐浴遺澤無隆前賢統緒
其幸而興起焉易亦不幸而仔承焉難也浦邑文廟

東舊有文昌書院剏自明邑令黎君乾隆間何令拓
而新之入門圍焉圍之中閣以祀文昌閣後方其池

池之中橋焉以渡渡而入又門焉入門為前講堂三
楹堂後經義堂如之旁翼子舍十二又入則後講堂

終焉總二十餘楹繚以周垣膏火田百餘十畝一時
肄業者雲合霧集稱極盛焉粵逆擾後堂舍傾圮院

產亦乾沒殆盡余自同治壬申秋來令是邦見其堂
廨洞廠齋舍數楹僅梁柱支立餘則盡沒蒿萊中零
垣敗榘存焉瞻顧徘徊不勝今昔興廢之感即思修
復會解綬去不果逾年再履任亟捐廉剏修并清釐

院產俸遺舊額承邑紳張少蘿侍御陳淡齋副轉黃
春隄陳洛川廣文朱魯山茂才等通力籌資迄三載
蕙工於是進邑人士告之曰嗚呼儒之歧久矣自雜
家興而佛老亦儒刑名亦儒其時處士橫議異說朋
興先王禮樂仁義之具為世詭病又降而訓詁亦儒
詞章亦儒冗碎浮廓競於名高惑矣然二者要非讀
書不辦自近世降為科舉之學割裂經語摹繪口吻
以自託於聖賢益加陋矣今且制藝亦成謬種浮詞
爛調往往弋獲此則人心風俗之憂求所謂陋者惑
者且不可得又何論禮樂仁義之具也哉雖然士特
患無志耳古之人六經外無學禮樂仁義外無教其
所以軒天地互古今動名爛如就求其本不外吾心
之所同然以求充其性量而止夫唯有志者無狃於
速成無域於小就孳孳焉率其純實之質追夫何王
金許朱呂之風以無負國家樂育人材之意昌明絕
學俾復先賢講學之盛此則吾之厚望以媲美月泉
是役也襄理者黃君綱卿陳君更生樓君芸山潘君
學林金君殿元石君迪庭盛君丹浦吳君芸軒樓君
軒樓君梅巖呂君仲伊戴君玉卿例得書復定新

浦江縣志

卷之四

書院

六

章聘請山長駐院其束脩即於廉俸內捐送每年添
為八課湖課由官辦理餘照舊章。按自張令以
後山長束修仍續置田地六十七畝零以上所置之
由書院自送續置田地六十七畝零以上所置之
坵段畝號載明書院并撥入款錢三百七十八串零
志今彙刊義產冊存庫生息後庫胥以田抵
存庫生息帳此款無存十九年知縣善廣前後撥
入書院款洋三百元存典取息以增獎賞

書院書籍 附

欽定周易折中 十一函 周官義疏 二函 儀禮義疏 二函 二
禮記義疏 四函 三書經傳說彙纂 一函 十詩經傳說

彙纂 二函 春秋傳說彙纂 二函 通鑑輯覽 六函

本光緒三年奉

八本

浙江學政胡瑞瀾頒給藏度書院歸院董掌管前後手點明交代

東明書院 在東明山之陽去縣東三十里元青田尉鄭

德璋創精舍於此俾族人讀書其中鄭文融復斥而

廣之金華胡翰有記宋景濂繼吳淵穎而主師席者二十餘

年飲水著書與其徒天台方孝孺義門諸弟子講學

於此有東明山精舍壁記云東明山在浦江縣之東

峯斜迤而東若萬馬長趨不復回顧二三十里之閒

而大林木左右蔽虧似不與人世通昔人因得附山

為稱故青田縣尉鄭君德璋嘗厭家居之叢紛子若

孫勿克專志於學乃於是地創精舍一區俾年十六

者往讀書其中君之子大和復斥而廣之前為榮而

後為寢寢之東西分為四齋齋之名其西曰成性曰

四勿其東曰繼善曰九思東與西戶皆相向其間難

浦江縣志 卷之四 書院 七

之所曰敬軒其鼓琴之處曰琴軒其退休之室曰遊
泳軒遊泳軒直九思之北敬軒則又直繼善之北而
西與琴軒對琴軒之外少南有水一泓不虧不贏作
欄楯護之曰靈淵淵之東北一百步有泉冷然而老
梅如龍橫蹲其上曰梅花泉泉之北又五十步列石
為坐而蒼松翠竹葱蒨掩映曰吟壇凡為屋二十楹
閒而圍樓漏房與庖庫之屬不與焉予金華之鄙人
也於道無所聞大和不以為無似嘗聘致之俾與二
三子周旋其閒大和之諸孫濤請予記之予將何辭
先民讀書之地往往皆在大山幽僻處如臯胡先生
翼之以一代偉人其為學也乃與奉符石公守道平
陽孫公明復共讀書泰山至十年不還家其後胡公
以道德為當世學者師而石之與孫亦皆直講胷監
以所學聞四方至今即其論議溯其風采如祥麟威
鳳欲見之而不可得其果何以致是哉蓋血氣未定
之時雖智者不能不為外物所遷故處之寥聞無人
之境耳目之所及接非白石清泉即左圖右史東華
塵土之思無自而入遂得專志於術業俟其凝定然
後出而施之所以卒大白於天下今二三子之處於
是無異三人者之在泰山使三人者顏面支體與人

殊也我則不敢知苟亦人耳初何不可及哉二三子尚勉之非惟二三子勉之雖予亦當自勵也濤善楷書因次第成後燬至文使書廳壁

國朝乾隆二十八年鄭氏合族公議重興以舊址難復移

建於里門外東偏去東明山里許仍顏曰東明書院

邑人戴王祥為記云吾浦之有義門鄭氏歷代旌揚

末迄今五百餘年衣冠之盛縣縣濟濟固其流風餘

韻世澤之長而亦其先人所以立教而培植之者意

良厚矣上世有任青田尉者創建東明精舍延同邑

吳淵穎公為師以教子姓美哉始基鄭氏之文獻肇

於斯矣嗣後恢而拓之繼主講席者則青蘿宋文憲

公以開國巨手於此而露其端倪以修文敦行勗其

子弟一時人文蔚起炳彪志乘其負笈來遊者臨海

則有方正學公節義文章與宋公並垂不朽則東明

一席遂與義門之名交噴噴於寰宇詎不偉與物有

廢興歲在壬午邑侯九和何公振興文教經營浦陽

浦江縣志

卷之四

書院

六

書院規模宏敞併置恆產以為經久計鄭氏聞風興起鳩集族人捐田以供束修之資捐金而重謀鼎建緣舊址歲久為窳窳之所據改卜於附近之區在祠與宅之東偏白麟元麓兩溪夾之東向面暨陽之勾乘山青蘿峙其北官巖駐雲諸山列其南固習靜之奧區也於是內建堂寢三楹以舊額敬軒顏其居軒前直接中庭三楹以作講堂前為廳以為諸生會課之所南北兩廂各十楹前後皆有廊藏修得其地前作重門北向元麓溪如帶周圍以垣垣內有合抱豫章蔭覆滿院樹側構三楹亦東向顏曰木天共計為屋者三十有五而庖湍之屬不與甃石池植嘉木雜蒔花卉以供息游南垣之外築圍一區藝蔬以給生徒而復各設坐卧炊爨之具以供族子及異姓之來學者其規畫亦云備矣至於選料必精程工必固不為一切苟簡之計經理者尤竭苦心興工於壬午八月至癸未四月落成董其役者則有明經爾梧若奇祖銓太學應所爾鋒文學爾俊若楹遵銘祖沛祖灝云夫事莫大於復古孝莫大於承先而尤望後之繼承於永久今者美輪奐莫大於承先而尤望後之繼承於光明於以成其材以繩其祖武流澤又孔長矣

相沿而下其毋忘前人作室之艱乎鄭氏懼其事之久而就湮復欲丁甯其後嗣衍而勿替也求記於祥時繆主東明之席自念祥於吳宋二公無能為役因敦勉之不獲已而報顏於茲更以不文之言記茲盛事彌增其愧復堅辭難却爰進諸生而詔之曰學者固不期安飽然有此勝地而復脫然無謀衣謀食之累尚不發憤為雄何以自解且士貴有志耳吾儒績學砥行當以不朽人物自期毋狃於帖括數行以自卑其志曩者吳宋方三公棲託於此不猶是未達時耶既記其重建之巔末而復揭數語以為諸生勸○山長金華姜志望勸學詩六章其一我生文獻邦先民有遺澤巍巍四先生心源傳一脉矧茲通德門名儒尤輩出孝友冠江南文章空冀北憶昔潛溪翁名山一校筆一室扇春風廿年留講席梅泉泉水清麟溪溪水碧飲水思其源負荷誰之職○其二文章有正宗曉人能具詳六經為根柢餘波及漢唐百家兼諸子糠粃慎簸揚培之日益厚發之日益光放眼天地寬落筆風雷忙如韻諧金石如樂調宮商婉如蛟龍游翮如鸞鳳翔勿學轅下駒儼觀依門牆○其三左思賦三都搖筆數萬言劉又賦冰柱傳者一二篇

短長各有適多寡亦偶然得心應之手妙不落言詮尋聲楮墨中尋味酸醜外筆底有化工胸中無芥蒂○其四學問無止境所貴在心虛虛室生眾白虛窗照四隅金虛為鐘鏞竹虛為笙竽惟其常不足是以常有餘不然嗶嗶鳴毋乃愚公愚○其五騏驥不努力駑馬或先之跛鼈行不休亦有千里時丈夫貴立志各以精神持陟遐由邇始登高自下基所以古聖賢光陰惜分寸駒影隙中留進步竿頭認○其六我本碌碌才於道殊未了千里汴梁游十載長安道歲月去堂堂功名仍草草自憐四子翁強半風塵老白髮嘆今多青春憶前好寄語二子修名修及早○邑人周璠東明書院詩鬱鬱東明山山巔巢鸞鷲輕烟細雨中風林雜簫籥潛溪帝者師結房披秋藥有時乘鸞游去天如兩角收拾雲門奏清琴自揚摧問誰知音者天台方正學于今四百年此道遂大猷春風無時休春山空翠嶠苔蘚滿松蹊碑碣半傾撲麟溪舊家聲戶有荆山璞不忍聽滅埋咄嗟開講幄抗志嗣前賢高舉固越越誰當執松枝掃盡世齷齪我來瞻新做遐心追緬邈青蘿山下人芳顏如可貌桃李今所培雲霞古所劖瞻前而顧後撫髀起踟蹰振

節遂長歌餘响何煩數明當就君栖迷悟鐘前覺。山長金華曹開泰勸學篇東明有精舍始自青田公屏迹塵市外卜築層崖中實以盡性命豈惟課兒童其後漸傾圯瓦石堆蒿蓬縱餘基址存久悵檐楹空哲嗣承前緒庀材鳩百工地遷咫尺遙矩緬高曾同自從壬午來軌範何崇隆絃誦分春秋金箭羅南東虛左聘胡醵指南得李侗以故通德門蔚然杞梓叢珍琳既燦列鸞鶴方騫獅走也瓶簪耳頭腦真冬烘疥駱等劉畫吐鳳慚楊雄安得守株才而有點鐵功請以芻蕘言一寫芹曝衷凡學有本末博取無纖洪觀水必河海登山必恒嵩六經菽粟美諸子醞醞豐騷選風雅滙史書理亂深墨守固已陋中輟尤鮮終始若銖黍累後自水乳融不見馬十舍歛段追青驄不見九轉丹變化金銀銅但令硯能穿奚憂玉難攻伊昔此講幄巍巍諸老翁淵穎五總龜高談驚盲聾文憲九經庫萬象歸牢籠又得柳與胡往來交磨礪析理窮毫釐擲筆搖長虹春華與秋實羣彥託帡幪門第冠兩浙聲名上層穹此豈無其由皆緣學業充我懷古之人抱膝一畝宮然糠有顧歡漂麥有交通著書劉彥和鍊都左太冲誠恐頭易白不負夜燈紅

浦江縣志

卷之四

書院

三

白石書院 在白石山之麓去縣南十里明初僉憲張孟

兼與其從弟方伯拱辰未顯時築室讀書於此顏曰

白石山房

明李默有白石山房記見古蹟

後漸傾圯

國朝乾隆二十九年知縣何子祥訪其遺址見萬山環翠

一鑑澄泓清氣襲人塵容罕到進僉憲裔孫而謂之

曰此爾先人考道問業之地可勿加之意乎張氏合

族踴躍增葺山房擴為書院俾族人肄業其中邑人

唐華記云白石山房者張孟兼與其從弟思玉兩先

兼諱丁由鄉薦擢國子學錄遷太常司累僉山西按

察司事陞山東按察司副使時有文名尤以風節著

思玉諱拱辰以門第舉為廣西布政永樂間復起為

福建布政皆卓有治聲越四百年有九和何蓉林夫

子以名進士宰於浦於茲五年一日顧謂華曰予少

讀明史見誠意伯劉基對明太祖云當今文學之士

首宋濂次臣基次太常張孟兼餘不知也又讀王禕

造邦賢勳錄於浦載五人焉曰宋濂戴良張孟兼張

拱辰鄭沂夫以天下文章之士三人而浦居其二一

代開國賢勳僅錄百餘人而浦居其五張且得二焉

嗚呼何其盛哉予竊心焉慕之既而分符得浦象私

喜浦為文獻之區得以備讀昔賢之遺書且得於暇

時訪其故里弔其舊跡慨然想見其為人顧履任來

百務煩冗首以勸農桑敦學校為急而於培植人材

之區則有浦陽書院月泉書院皆因其故址廓而大

之葺而修之至如東明書院係昔宋文憲公講學之

所亦既與義門鄭氏議所以振作之次第舉獨念

孟兼兄弟與文憲齊名而於白石山房終以未獲一

浦江縣志

卷之四

書院

三

至為歎壬午夏適歲旱從民俗迎龍於南山之靈湫

纔入谷口父老指謂予曰此白石山房也予見其萬

山翠攢一泓澄澈奇峯怪石崢嶸森列瑤草琪花瑰

璨滿目清氣襲人足跡罕到令人飄飄有遺世獨立

之想因念昔之人隱居求志於其中掇山水之菁華

採煙霞之明媚固宜處為名儒出為名臣而其所以

養而成之者顧不在此歟惜乎世遠年湮經理乏人

屋舍傾圮勝景蕪沒予竊黯然傷之爰進其族之父

老張國功國善暨紳士國玉忠廣國仁國璠文元啟

漆聖洙等而告之曰諸君不聞東明書院之設乎夫

義門鄭氏之於宋文憲夙有師弟之誼今且以感念

先師重加整理以誌不忘矧諸君為太常之後而於

先人考道問業之地可勿加之意乎於是諸紳士爭

相感激退而謀諸族人或捐產或捐資鳩工庀材不

數月而告竣予往觀之嘆其規模宏敞經畫周詳洵

猶是也昔之風景猶是也繼自今藏休游息於此者

志前人之志學前人之學淵源家法具有成師則安

見瑰奇傑特之士如太常兄弟者不踵起其閒而以

所學釀為氣節發為文章著為治蹟與之後先輝映

哉將白石山房且藉之不朽矣公既備言於何子祥

華遂命華為之記時乾隆甲申秋八月也

有書院十二景詩漫扶桑來曉日雲散光流丹憑軒

寄遙矚洞覺胸臆寬萬象會有真難許坐井觀玉

際垂虹飛泉落山嶺一氣無斷續但看迴似虹莫辨

清如玉遙知陂陀側激灑開晴旭選勝及春風童冠

欣可浴春波浴鯉側聞赤鯁公變化捷有神異日

起雲雨即此徑寸鱗臨淵一遇之敬為當世珍雷火

欲燒尾莫負春水春夏木鳴鶯喬木鬱扶疎濃陰

蓋精舍我來坐北牕賞析及休暇鶯聲一何老春序

忽已謝弗徒箋蟲魚沾沾事消夏巖草舖碧茵燦各

降好雨雨過物新方池瀉明鏡巖草舖碧茵燦各

含生意靜不染纖塵歷歷亭外象默默亭中人晚

洞歸雲不見雲起時但見雲歸晚還山似有心委蛇

亦繼縵子本山中人偶出宜忘返愧少潤物姿展布

何能遠幻荷露石是石不是荷區區已見慣一

偶信目恍惚遂成幻罔識石殊姿却喜蓮分瓣蒼茫

曉露中欲去屢回盼篆碣霜苔斷碣傳何年苔痕

如古篆古人不可見踪跡半幽顯千秋一片石誰知

浦江縣志

卷之四

三

亦不免何似岐陽鼓跟肘亦可辨繁花谷口昔聞

避秦者勝蹟擅桃源香葩今復睹艷發自成村得霑

春雨潤又邀春風温為告賞花人無過谷口繁月炯

月潭心上有秋月皎下有寒潭澄潭心浸明月炯炯

光燦沐昭然揭萬象俯仰舉可憑於時欣欲辨忘言

吾亦能樵歌曲徑青山何隱隱碧澗何迢迢欲和

山水音歌響出雲霄問誰為此歌恐是谷口樵雅懷

正寥廓八風卜自調琴韻別樓是處有高樓樓中

撫瑶琴琴聲何太古自寫太古心千秋傳逸調孰云

少知音聞韶可忘味此意共古今千秋傳逸調孰云

景詩丹崖摩日疊疊赤城霞鬱鬱滄波曉翅正展金

烏峯徧卓黃道摩盪發奇光五色相繚繞玉滄垂

虹玉氣吐白虹虹仍拖玉寶藏興深巖匪云媚幽

獨酌昫原隰苗日藉洒千斛春波浴鯉掉尾向龍

宮奮鬣赴春水暖浪躍桃花淺渚戲蘭芷未得憑風

雲石澗且徙倚夏木鳴鶯時禽好羽毛濃陰弄清

嘯似喜遊客來勸酒送絲管山中人不歸誰共聽

睨新亭過雨雨洗白石淨前山倏晴矣澗雪帶落

花沙鷺翹修趾亭邊松竹聲浙瀝猶未已晚洞歸

雲出作黍苗雨歸隨柳絮風仙人曳白衣浩蕩來山

中洞門晚寂寂簾幙垂重重。幻荷露石曉氣吐貝
闕香露飛瑤田為愛長官清龍宮淨白蓮莫輕磊磊
石曾作錦雲鮮。篆碣霜苔剝落礪牛角依稀辨鳥
跡恐是少霞書應待仙人識大勝道傍碑移作柱礎
石。繁花谷口綠烟千萬層紅霞一片鎖猶聞雞犬
聲已覺遠烟火出山恐路迷回頭為頻坐。澄月潭
心孤月雲不侵澄淵風不漾天心與潭心似一還似
兩何用要丹青靈臺得真狀。樵歌曲徑雲山空外
音一片出韶濩幽人讀書暇靜聽悟其趨譜成葛天
樂何勞按宮羽。琴韻別樓鳴琴傳蕉石厭近歌舞
場何如空巖裏為鼓一再行。嘉慶五年淫潦為災書
小樓倚石壁流水時湯湯

院傾圯道光十年重建邑人朱能作有記

附錄白石山房遺稿

後。邑人陳果白石書院懷古詩四面奇巒一畝宮
千秋遺恨此隆中生憐鼎峙文名重死憤巖棱骨相
窮何物苾苾供脾睨當年魚水易凶終。咸豐辛酉燬
傷心山下龍湫雪怒捲濤聲氣尚雄

浦江縣志

卷之四

書院

三

復於平安張祠側新建一所扁曰白石書院

廣學書院

在縣南三十里通化鄉長陵祝庄道光八年

合鄉捐建總計院宇三十餘間義烏王芳為之記

陽通化鄉創建書院額其額曰廣學俾遠近之肄業
者咸聚其中屏龐雜以壹其志氣比於居肆成事焉
嘉惠後學甚盛舉也古者黨庠術序具有成規燼於
秦再興於漢而立學以祀孔子始自蜀之文翁則書
院之設由學而推之使廣作人育材俱本乎此所繫
非淺鮮也特其事非好義者不能舉好義而無力亦
不能成倪公旋菴與其弟約齋公嘗慷慨捐資擬建
書院厥後賢裔踵而行之會開會以惠同人而一鄉
同志者若陶周柳施胡諸君復為共襄美舉俾通鄉
踴躍樂輸而為之卒底於成不皆勇於赴義者哉方
是役之克舉也人咸聞而慙之以為是振興文教之
助予謂婺學之興由來已久自呂成公時倡麗澤書
院以與朱張會學何王金許繼起浦邑有月泉書院
朱呂曾來游於此厥後方吳戴宋嗣興而通化居縣

治之南清淑所鍾名賢輩出若梅節愍之忠貞柳文
 肅之理學其最著矣此外甲第蟬聯不勝枚舉要皆
 得講學之資後先相望爭自濯磨以致此也然則當
 此而欲廣厲人文扶翼後進豈能外先進之學以為
 學乎今歲予謬主講席每餘暇時開窗間眺見有水
 來自黃茅山迤邐數十里繞門前而西流者曰梅溪
 因梅節愍而名之也飲水思源其在斯乎又東望烏
 蜀山林壑掩映左右拱秀柳文肅讀書巖在焉高山
 仰止其在斯乎予低徊留之不能去竊謂諸生藏修
 有所而取則不遠致足幸也興工於道光丙戌迄
 於戊子告竣堂寢門樓兩廡與夫庖廡園沼之屬規
 畫周至并各割膏腴之產為延師課士計經營既就
 請予為記予深樂其闔鄉好義相與有成而尤願士
 之絃誦於此者朝漸夕摩日新月盛力求古人根柢
 以答集事者作興獎勸之至意也是為記 咸豐二
 年知縣黃維同捐廉置受膏火田七畝統計院田二
 百畝有零同治初年院宇傾圯十一年知縣張兆芝

捐廉剏始依舊重建邑人朱承繹記之

鄉學

薛志本縣隅都共十一所為講讀大誥而設

今廢無考

社學

薛志在縣治東分司署之西房屋三間後廢明嘉

靖時知縣毛鳳韶移於白佛寺之兩廊有自記

云國朝之

制令天下儒學之外復徧立社學廣教也邑舊有社
 學隅都共十一所久廢莫詳其處予指城南白佛寺
 僧居少而房屋幽邃迺以其前兩廊修改為社學凡
 十二間歲選鄉師以教隅都子弟之幼者仍免其丁
 役以資薪水每月課試其高下而激賞之從者歲至
 百人各鄉亦令延師教授每循行之日課試優賞如
 前夫夷貊之民豈概然悖戾而成俗卒同者以其服
 習積慣無勸助之法耳幸而可上之性亦將泯然不
 自知發推聖人小學大學之道毆躓礪劇則未有不
 為良民善士者也浦江為邑僻陋而民習野固力農
 之外不屑他慕故毆之使學有不樂就者則亦因循
 苟且無以感率之耳昔明道為宣城令俗甚鄙野乃

立鄉校擇子弟之幼者聚而教之民俗丕變孰謂今古入之道不可行於今乎在上之人加之意焉爾
寺燬而社學亦廢

義塾 在縣南大街之東忠義祠內同治初知縣莫巖購屋創設共屋六間以後三間爲忠義祠前三間爲義塾每年官出修膳延請塾師以教子弟之幼者

試院

浦陽試院

舊稱考棚有考棚志

在縣治二門內東偏嘉慶十六年邑

人張守高等稟請知縣岳炯闢縣署東園隙地創建

邑人戴殿泗記其事

云一邑之務所以扶世福民者自催科聽訟建造防守而外莫

重於取士之典之有縣試而向來州縣皆未有考棚
之建臨試時率借大堂及各房科為用陵獵雜沓弗
以為怪所以然者考棚宜建而縣務紛繁多不暇舉
即欲舉之或格於無力矣又苦經理之人不克
盡心料簡以稱善建歷覽諸州縣中大概然也四川
岳侯洙浦之四年會邑之紳士議立考棚以署東園
隙地建焉地寬十四丈有奇深二十二丈有奇為大
門西向正對為奎星閣為儀門南向內為甬道達於
正廳兩旁皆植柏正廳三間其東考屋九間西亦如
之後廂三間皆寬廣有容考桌考凳咸備以石為足
面用木板西舊有檜樹神廟今改東向後堂三間有
樓祀文昌神後為退堂北向堂之東為上房又東為

浦江縣志

卷之四

試院

美

書房栽植花卉有池畜金魚堂之西為小廳前疊石
作小山種以梅竹旁為廚房正廳係邑人修職郎張
邦陞獨建頭門係職員洪繼煌獨建餘皆合邑捐資
計屋四十八間為錢六千四百緡有零經始於嘉慶
十六年二月告成於二十年五月諸董事來屬作記
余維考棚邑大事也今岳侯以義率眾諸紳士趨義
若不及董事料理妥協以克有成浦士八九百人初
試得所將見浙東西州縣必有爭先倣效以光試典
者矣縣試之重也豈曰作為時文規取利祿而已哉
所貴勵其志植其品首以盡孝致忠為人生大事其
衡才也必曰通經而學古之二者將何所模範乎吾
浦前哲磊磊煌煌光流於穹壤聲震於古今無在非
師法也不是之取法而志不立品不敦則雖掇巍科
躋顯仕其無輕重一也而况足不出閭里之中妄自
尊大者乎將來就試之士八九百人之中果能一聞
此語信為真實不虛吾見士氣振起且不下唐宋元
明之代浦地雖褊小尚并置田地二十八畝零以為
足為浙東西增光也

歲修之費道光三年知縣方功鉞捐廉剏始增建中

庭五間東館三間續置歲修田地五十三畝有零方

自為記云浦邑號小鄒魯名儒登興英賢繼起久矣光昭志乘傳播藝林迄今應童試者千人較

他邑居多舉欣欣然仰前哲企時賢咸思佩實銜華

以勉為有體有用之學文教聿興人才蔚起此固邑

宰所厚幸亦諸先達所厚期也稽曩昔縣試多士惟

雜坐官廨堂廊間未稱妥適嘉慶辛未歲邑紳士拓

地於縣治之東捐建考棚由重門而甬道而左右棚

廠以及几案堂房館舍之屬莫不具備其大堂三楹

則職員張君邦陞獨造規模已極宏整矣余莅浦之

三年國學生李君照復造中庭五間并各紳衿續捐

歲修田畝且添置東館余亦捐廉助之諸紳士既慷

慨好義而諸董事又復經理周詳稱美備焉夫君子

之志於道也必先正其始縣試者掄才之始士子進

身之階也今茲基址爽塏棟宇宏深美哉始基之矣

多士涵泳其中得盡其所長以抒素蘊由是蜚英聲

騰茂實愈以彰文教之隆而備菁莪棫樸之選詎非

邑宰與縉紳先生之所共慶歟是為記。按以上咸

田地其助主并畝號均載考棚志今刊入義產册

浦江縣志 卷之四 試院 三

豐辛酉燬於兵火光緒七年知縣恩裕捐俸創造頭

門三間并令城鄉勸捐重建文昌樓大堂中庭儀門

奎星閣下為敘績亭并東西號舍等處工未竟調任永嘉

至十二年復任始一律完竣有記勒碑此項工程城鄉均係分認

某處捐造某所應載考棚志內十四年六月東偏號舍十一間因風

雨圯壞知縣善廣諭令俞文林等捐葺光緒初年邑人朱承哲捐

有歲修田三十九畝五分零其時考棚未復知縣張

兆芝諭歸浦陽書院收管暫充膏火之資十二年工

竣始入考棚歲修云

射圃 薛志在東門橋邊北去橋路九丈東至路西至

橫五步直五十步今廢按康熙志云縣教場在東山下歲久民侵為圃明嘉靖四

年知縣毛鳳韶追復故地建亭三間名曰演武萬曆四十四年知縣黎宏道重建演武廳國朝順治五年分防參將周一鳳重建講武堂并轅門圍牆卽此地是也

演武場 在縣北門外里許嘉慶十六年邑人張邦陞助

地二十五畝零中建演武廳左築方臺以樹旗幟右

為馬道 按廳未建以前僅於場中砌築基址咸豐辛

酉粵匪擾浦廳燬於火

義產 附

鄭氏鄉會試路費 薛志康熙四十一年九月生員鄭璧

遵父思俊遺命請將已田百畝捐入學宮收息以給

文武科舉路費具呈懇縣勒石垂久前縣遲據呈通

浦江縣志

卷之四

試院

三

詳各憲隨蒙嘉予給匾獎賞并飭造册移學勒石明

倫堂永垂不朽至四十四年復經詳立規條并請刊

刻當卽詳府批允刊有科舉路費規例至五十六年

因是科中式有人并議定會試路費合計三年租息

以兩年給鄉試一年給會試不論科分新舊但計人

數平分又經詳府批允刊有會試路費紀畧後璧之

子若矜於雍正四年復續捐田肆畝以益收租公用

俾經理有資以垂永久云 薛志按士子三年攻苦惟

階寒儒資斧艱難往往不能赴試至公車北上行李更難鄭氏此舉鄉會均有路費沾惠何窮夫重

義輕財施及同族同里者聞有之而徧及士林者不少概見鄭君獨能繼志倡為此舉令子又踵而

增之稱爲義門洵不愧矣

張氏文武生員歲考路費

薛志乾隆二十一年八月貢

生張以玠將已田五十畝捐入學宮以爲文武生員歲考路費由學牒縣由縣申府准作義舉二十三年學憲寶光鼐按臨金華歲試通學連名請獎當蒙給扁勵并勒石明倫堂以垂永久

潘氏文武童生府院試卷費

薛志乾隆四十一年正月

據監生潘開運童生潘公選具呈生家自故祖潘顯順立心忠厚以不吝推解爲訓奈彼時家業未充不克遂意後生叔玉文漸拓故業善承先志因思浦邑

浦江縣志

卷之四

試院

三

諸生鄉會歲科均有路費分給惟童試多人畧無資助欲捐田百畝以完義舉正在籌辦不料遘疾身故

今開運

等謹遵祖叔遺命拔膏田百畝呈公擇人經

理收息以爲童生歲科兩考院試路費伏乞准行並據闔邑紳士戴如京等公籲申詳立案以垂永久等情隨於是年五月通詳奉各憲嘉獎飭縣立案以垂永久知府凌廣赤給匾旌之至嘉慶十八年潘開運同弟潘登明潘公遷潘公遜繼志樂輸復捐田四十畝合前捐田壹百畝共成壹百四十畝僉舉理事每三年收取租錢爲備院府歲科兩次文武童生卷費

分給胥役應須欸項工食油燭紙張屋賃錢文巨細無遺當經由縣通詳立案使投考文武童生安然應試無買結備卷填冊之費而士志益隆卽辦考書吏各守供役亦無向隅之訾云

按自咸豐辛酉燹後租息減少費用不敷惟望

經理得人秉公籌辦或得復其舊云

朱氏文武生員科考路費

薛志乾隆四十一年二月據

闔邑紳士戴如京等具呈原任隴州知州朱興燕念科考爲鄉會試發軔之始士子艱於資斧遇學憲按臨多不能詣郡赴試欲捐產收息以爲闔邑士子科考路費未及舉行臨終遺命捐十六都嘉興鄉田五

浦江縣志

卷之四

試院

三

十畝以成義舉嗣子家禮屏翰覲光體元克承先志如數慨捐擇邑中公正者經理所收租息除完糧外查照學冊應試者分給至武生有歲無科其赴省鄉試者亦照文生例給散文武均沾實惠應請申詳各憲立案以垂久遠並據朱家禮等呈請准行等情於是年五月申詳奉各憲批示嘉尙立案垂久

朱氏鄉會試路費

薛志乾隆四十二年三月據監生朱

之璵朱之珪職員朱之珍童生朱其追等呈稱生故父監生朱可賓雅重斯文加意培植每念浦邑士子單寒者多鄉會兩試資斧維艱前經鄭氏捐產以給

路費實屬盛舉顧欣助不嫌過多好事還須共濟立願割腴田捐租息以步鄭氏後塵奈未舉行而身故臨終以此事爲囑今生等謹遵故父遺命定議捐政內鄉杭口庄田壹百零捌畝庄屋五間園地四分六釐以爲合邑鄉會兩試路費仰懇申詳以垂久遠并據合邑紳士戴如京等呈請酌定章程申請憲示具稟於本年四月具詳嗣奉各憲獎許飭縣酌議核詳永遠存案

朱氏文武童生縣試卷費 嘉慶十六年九月温州府永嘉訓導朱潮稟稱伊子能侖在日應童試時見艱於

浦江縣志

卷之四

試院

三

卷資者往往不能覆試自願拔出已田以備童生縣試卷結冊費方欲舉行旋已物故因念其既有此志卽將渠在日所分所置之產共五十畝助入公中爲闔邑童生歲科縣試卷結冊費當卽由縣具詳奉各憲批准立案垂久

樓氏鄉會試路費 咸豐七年邑人樓大川助計田貳拾五畝正

于氏鄉會試路費 咸豐七年生員陳鏞呈稱岳父子石元身故無嗣所贈奩產貳拾五畝仍爲岳父子石元出助爲闔邑鄉會兩試路費由縣批准具詳贈有惠

及士林扁額

徐氏鄉會試路費

光緒七年邑人徐家春捐助計田拾

五畝六分零兩毫三絲地貳畝五分三釐三毫五絲
山四畝四分零八毫

以上義產其都保邱段土名俱載義產冊

